

CORONA VIRUS: AMERICAN AIRLINES, DELTA, JETBLUE Y UNITED A ANUNCIA RECORTE DI NAN VUELONAN INTERNATIONAL Y DOMESTICO



Debi na menos demanda relaciona cu Corona Virus, varios aeroliña di Merca a anuncia cu nan lo corta vuelonan internacional y domestico. American, Delta, Jet Blue y United a informa esaki envista di un caída den demanda of cancelacion di reservcion. Ya American a stop vuelonan pa China tambe pa Roma, Milan, Barcelona, Venice, Paris y Madrid for di varios airport den

Merca. American tambe a bisa cu e lo reduci su vuelonan cu 10% den zomer, indicando asina cu e efectonan di virus por perdura pa un tempo largo.

Mas cu claro cu e angustia di viahe pa exterior, e recorte den vuelo dor di aeroliñanan Mericano lo tin su efecto tambe pa nos pais Aruba cu ta completamente dependiente di turismo.

Cambio den prijs di productonan petrolero 11 di Maart 2020



Auto a bolter den Caya Ing. Roland Lacle



Corsou: Crucero cu posibel infeccionnan di coronavirus den St. Annabaai



di acuerdo cu tripadvisor Eagle Beach ta figura entre e mihor beachnan pa 2020



CUERPO POLICIAL ARUBA TA INFORMA:

INVAL DEN MARDUGA PA DETENE HOBEN SOSPECHA DI COMETE ATRACO NA SERO BIENTO

Ayera mainta en conexion cu un investigacion andando a haci un entrada hudicial y a detene na un cas na Pavia e homber A.J. di 23 aña naci na Aruba.

Ta sospecha A.J. di tin di haber cu e atraco cometi na Sero Biento den luna di Januari 2020. No a logra confisca nada relevante na e inval.

Corsou:



Crucero cu posibel infeccionnan di coronavirus den St. Annabaai



E crucero MS Braemar di e naviera Fred Olsen a mara diamars mainta den St. Annabaai. Ningun hende por a bandona e barco, ya cu tres pasahero por tabata infecta cu coronavirus.

Mientras tanto, e empleadonan di Ministerio di Salud, Naturaleza y medio Ambiente lo a bay riba e barco pa realiza algun prueba. E barco lo a sali mas laat durante dia di acuerdo cu e itinerario. Varios puerto den Caribe a rechaza e barco.

Adicto den un pelea cu habitante ya cu aparentemente adicto a comete atraco



Dialuna anochi algo prome cu 10'or un patruxa pasando cerca di Linear Park a topa cu un pelea. Esaki tabata entre un adicto y un habitante tegenover di Linear Park.

Mesora agentenan a baha pa mira kico tabata pasando. Segun a compronde na e sitio, e habitantenan a yega cas y a topa cu e tipo aki.

Segun nan e tipo aki e tabata tira piedra ariba e cas y tambe posiblemente ta e

mesun persona cu algun dia pasa a comete ladroncia y/of kiebro na e dicho cas.

Dialuna anochi a bin un confrontacion. Durante e pelea cu un di e habitantenan e adicto a morde e persona parti abao di su cachete banda drechi. Esaki a causa un herida basta serio, unda cu te hasta un pida carni el'a kita.

Mesora a pidi un ambulance pa mira e herida. Debi cu ambos tabata bringando,

polis a bay over na detene tur dos. Un rato despues polis a confisca un chapi tambe cu a wordo usa durante e pelea. Na yegada di ambulance e homber cu a wordo mordi a cana subi e ambulance pa haya tratamento medico. Mirando cu Playa no tin Transportwagen mester a warda algun rato pa esun di Santa Cruz yega y hiba e adicto warda di Santa Cruz. Polis a keda un rato pa compila tur dato posibel di e famia.

Auto a bolter den Caya Ing. Roland Lacle




Diamars merdia algo prome cu 2:30 informacion a drenta cu un auto a bolter den Caya Ing. Roland Lacle y cu tin hende herida.

Na yegada di polis ya Ambulance tabata bezig y tambe Materiaalwagen tabata na caminda. Den e auto tabata tin dos dama, di cual un a keda pega y mester a wordo yuda door di bomberonan pa por a sali. Mientras e otro dama a sali y cana subi ambulance.

E auto envolvi tabata un Suzuki Vitara cu tabata bayendo direccion nort y dado momento el'a dal contra sea e acera of un pida troncon seco y kentel kedando di banda mey mey caminda. A dura algun minuut prome cu a logra saca e dama for di e auto y e tabata musta di ta den basta dolor. Ambos a wordo hiba Hospital.

Polis mester a cera Caya Ing Roland Lacle bin nort, pa e unidadnan di rescate por a haci nan trabao.



LOTTO 5

Cuminsando cu 4 florin, bo por gana e suma grandi aki

Afl.


480.000,-

Obtenibel na cualkier rebendado di Lotto.

Sorteo ta awe nochi



Huurdo preocupa pasobra doño no a bin cobra huur



Dialuna anochi un huurdo preocupa cu e doño di apartamento no a bin cobra huur pa 1 siman a bati alarma. Esaki tabata den oranan di 8'or cu e dama a avisa polis cu e ta mira e cas habri y television cendi basta dia caba. Pues tur cos constantemente tabata mescos. Dialuna anochi polis hunto cu brandweer a drenta e cas, mirando cu e homber ta biba su so mester a haci uso di brandweer pa corta candal. Momento cu nan a drenta paden y bisiñanan ta den angustia pa sa kico a pasa e cabayero, su yiu

di crianza a presenta y a bisa cu su padraastro ta algun dia caba malo den Hospital. Pero, asina mes polis hunto cu brandweer a inspecciona e parti paden di e cas unda cu e porta di sala tin dianan habri. E parti tristo ta cu e persona aki cu ta sufri di un enfermedad di nervio y e tin varios cacho, por a mira cu e bestianan tin dia sin come of bebe. Polis a papia cu e yiu di crianza y e lo a keda encarga pa duna e animalnan di come y bebe y tambe cera e cas.

MINISTER XIOMARA MADURO A PRESENCIA E PRESENTACION DI E PELICULA 'PATROON'



Diabierna anochi Ministerio di Cultura tabata anfitrión di e película 'Patroon' di e hoben Arubano talentoso Mario Gonsalves na Crystal Theater. Durante e anochi aki Mario Gonsalves cu ta productor di e 'short film' aki hunto cu su amigonan Valentino Angela y Aldair Pieters a conta mas di e produccion di e película y e tema cu ta wordo treci dilanti den e película 'Patroon'.

E hobennan aki a bini Aruba riba invitacion di Ministerio di Cultura y ATA pa bin presenta e 'short film' 'Patroon' na Aruba. 'Patroon' a gana

e premio di 'Beste afstudeer Project' di Gemeente Utrecht den e categoria 'Artistieke Presentatie'.

Minister Maduro a hiba un discurso den cual el a gradici e hobennan talentoso y a splica e meta di e patrocinio, pa brinda tarima na talento local pa sirbi como inspiracion pa otro hoben, trahando asina un fundeshi pa por yega na facilita e industria creativo na Aruba.

E mandatario a felicita e hobennan cu nan tremendo produccion.

**PUEBLO A HAÑA SU
PEN BEK**


Pa kualkier informacion
solodipueblo@gmail.com
of
585-9500

Auto a dal un alumno pero no tabata desea atencion di paramediconan

Dialuna atardi a drenta informe cu auto a dal un mucha banda di Maria College. Mesora a dirigi un patruya pa e sitio.

Na yegada di e patruya a bin compronde cu aki ta trata di un caso unda auto a dal un alumno y esaki cu heridanan na curpa a bay na e director y a conta kico a sosode cun'e. Director a avisa polis. Polis a bini na e school y a tuna e declaracion di e alumno y a avisa tanto e famia como tambe e especialista di trafico pa investiga e caso aki.

E alumno tabata herida cu algun rasca na curpa pero no tabata desea atencion di ambulance.



Mucha herida a ser atendi pa paramediconan



Dialuna atardi a drenta informe di un accidente cu un mucha herida banda di Do it na Shaba. Mesora a dirigi tanto polis como ambulance pa e sitio. Na yegada di e patruya ya ambulance tabata na e sitio atendiendo un mucha chikito cu a dal su nanishi na e sienta di patras.

Esaki despues cu un truck di entrega a sali dilanti di e auto. E mucha a ser atendi pa e paramediconan di ambulance na e sitio di accidente mes.



Cambio den prijs di productonan petrolero 11 di Maart 2020

Minister di Finanzas, Asuntonan Economico y Cultura ta anuncia e prijsnan nobo di venta di combustibel entrante 11 di Maart 2020:

Gasoline unleaded-premium	: 197,2 cent p/ltr. (- 4,7 cent)
Diesel LS	: 160,6 cent p/ltr. (- 11,8 cent)
Kerosin	: 148,6 cent p/ltr. (- 12,6 cent)

E prijsnan ta inclui BBO/BAZV/BAVP

Oportunidad unico pa subi te na e top di Lighthouse riba Dia di Himno y Bandera 2020



Diarazon proximo 18 di Maart 2020 nos faro, esta California Lighthouse, lo ta habri un bialha mas pa publico pa celebra Dia di Himno y Bandera. Aki lo tin oportunidad unico pa grandi y chikito por subi den e faro y bay te na e top. Ariba por disfruta di un

bista panoramico y unico. Por haya un bista den 360 grado rond di nos isla di Aruba. Algo excepcional pa por experencia. Pa e dia special aki di Himno y Bandera tin un prijs special di solamente 5 florin pa tanto adulto como mucha. E faro lo ta habri for di 9'or di mainta te cu 7'or di anochi. Ta invita tur hende pa bin saca potret di e monumento aki cu a wordo construi entre 1914 y 1916.

Pa mas informacion por subi riba epagina di Facebook di California Lighthouse. Credito Fotografia: Wings Global Media Aruba

Aruba Bank ta celebra nos día nacional hunto cu Fundacion Museo Arubano

Dia 18 di Maart 2020 na Fort Zoutman y Watertoren



Pa engrandece e celebracion di Himno y Bandera, Aruba Bank a uni hunto cu Fundacion Museo Arubano. Fundacion Museo Arubano tur aña ta celebra e dia di Himno y Bandera en grandi dia 18 di Maart, unda comunidad henter por bishita e 4 museumnan: Museo Historico Aruba (Fort Zoutman & Willem III Toren), Museum of Industry Aruba (Watertoren), Community Museum y Carnival Euphoria Exhibition.

Nos ta invita comunidad pa bishita e "showcase" di Aruba Bank na Fort Zoutman y Museum of Industry (Watertoren) na San Nicolas

unda cu lo por mira e "Collected items" di clientenan di Aruba Bank, en conexion cu celebracion di nos 95 aniversario. Tur cliente cu tin un obheto cu e logo di Aruba Bank manera mug, pen, keychain, moneda conmemorativo, of checkbook ta bonbini!

Aruba Bank lo premia un di e clientenan y e obheto lo wordo debilbi na e doño. Nos ta invita comunidad pa por forma parti di nos exhibicion di 95 aña di Aruba Bank y pa hunto nos celebra e dia di Himno y Bandera dia 18 di Maart for di 10'or di mainta te cu 6'or di atardi na Fort Zoutman y Museum of Industry (Watertoren).

ArubaDag Festival 2020 a keda POSPONI!

Den Haag – E ArubaDag Festival 2020 cu lo mester a tuma lugar 29 di Maart proximo den Ahoy na Rotterdam a keda posponi. Esaki ta esencia di e declaracion haci door di Minister Plenipotenciario, sr. Guillefred Besaril, diabierna siman pasa via un video riba Facebook.

Arubahuis a bin nota cu algun di e medionan di comunicacion a usa e palabra "cancela" den nan titular of como palabra central den nan comunicado di Prensa. Comision ArubaDag ta lamenta esaki pa motibo cu e ta ocasiona confusion totalmente innecesario.

E decision di pospone ArubaDag Festival 2020 te un proximo aviso, no tabata uno facil. Pero enbista di e incertidumbre y preocupacion cu ta reina

actualmente cu e corona virus na Hulanda, a pone cu e decision na pospone tabata esun di mas responsabel tanto como Gobierno, como organizador di e evento.

E siman aki lo sinta cu entre otro KLM, Hotel y Ahoy pa sondea conhuntamente un fecha nobo, mas despues den e aña, pa e ArubaDag Festival 2020. Esaki ta significa automaticamente cu e lo tuma lugar na momento cu e situacion cu e corona virus ta bao di control y cu tanto e seguridad como bienestar (salud) di tanto e bishitantenan como e artistanan por wordo salvaguardia.

Di antemano nos ta hopi agradecido cu e sosten cu nos a ricibi den comunidad Arubano riba e decision aki y gustosamente comision lo mantene un y tur informa.



Parlamentario Endy Croes:

Ministerio Publico ta avanzando

Benny Avestruz Sevinger no por get away with murder

Parlamentario Endy Croes siman pasa a saca un artíkel "De falend OM" pidiendo Hulanda refuerzo tijdelijk pa Ministerio Publico. Manera nos sa cu Ministerio Publico ta onder bemand den experticio y mankracht y banda di casonan grandisimo di corrupcion di ex - ministernan di AVP nan man ta yen cu daily operations pues tur e casonan routinario. Cuminsando na Paul Croes ex - minister di AVP kende a wordo sentencia na 4 aña di prison mas 10 aña cu e no por aparece riba ningun lista publico nos tin e caso andando di Benny Sevingere otro ex - minister di AVP kende ta e sospechoso primordial den caso di corrupcion y fraude miyonario di "tereno gate" cual caso Ministerio Publico a dune e nomber di "Avestruz".

Durante fin di siman Parlamentario Endy Croes a sigui splica di a bolbe atende diferente actividad publico y a haci varios bishita na cas di conciudadanonan y e tema cu mas ta bin dilanti ta e hecho dicon Ministerio Publico ta tardando asina hopi cu e casonan di corrupcion y fraude politico.

Parlamentario Endy Croes ta

sigui splica cu e ta comunica na pueblo pa nan tin pasenshi y confianca den Ministerio Publico pero alavez ta splica cu e ta den proceso pa haci peticion na Hulanda pa duna Ministerio Publico un man y te hasta un tijdelijke toezicht met steun al estilo di CAFT pa asina rond af e casonan pisa cu pueblo tin den nan curazon.

Benny a grita den Parlamento cu I dont give a damn! Pues horta e pais aki na mal ordo y colabora como facilitador pa diferente amigo bende opties riba terenonan comercial via Shares den NV's cu ni tabata existi momento cu el'a haya e opties pa miyones. Asina Benny Sevinger y Paul Croes ala estilo bandoleros a maneha e pais aki pa enrikece nan mes. Parlamentario Endy Croes ta compronde e angustia y rabia cu ta bibando den pueblo riba ambos caso cu ta tumando demasiado tempo pero ta keda pidi pueblo e pasenshi necesario como cu nos ta bezig buscando alternativa pa brinda sosten sea via experticio of mankracht pa asina Ministerio Publico por adelante den nan trabao.

Nos no por lubida e documentonan cu tin riba mesa unda den un solo transaccion



di bendemento di tereno a bay 3.5 miyon dollar y tur esaki cu cooperacion di Benny Avestruz Sevinger di AVP. Hendenan aki no tin derecho pa bolbe nunca pero nunca mas y alavez mester

duna cuenta dilanti mesa berde y paga pa nan actonan. No mester descarta cu afpak team na su debido tempo mester

BETON BASHA ARIBA CAMINDA



B.C.I. a bin topa cu basta beton basha ariba e caminda pazuid di e rotonde na Pos Chikito. Mesora a pone e instancia di Mota Engil na altura di esaki cu di biaha a laga haci esaki limpi.



Minister Chris Romero a reuni cu representante Suplente di Hulanda na Aruba



Recientemente Minister di Transporte, Comunicacion y Sector Primario, sr. Chris Romero, a ricibi bishita di drs. David Abrahams, kende ta Representante Suplente di Hulanda na Aruba.

Durante e encuentro aki, Minister Romero a duna sr. Abrahams amplio splicacion di e Carteranan di Transporte, Comunicacion y Sector Primario. A trece dilanti e plannan cu tin ariba mesa, cu ta entre otro: San Nicolas Ports, Fast Ferry, Setar, Arubus y algun otro departamento cu ta na encargo di Minister Romero.

Sr. Abrahams a duna informacion di su tareanan y su metanan como representante suplente di Hulanda na Aruba. Tanto Ministro Romero y sr. Abrahams a intercambia informacion y comentario ariba e situacion reinante di y na Venezuela, como tambe e consecuencianan cu esaki tin pa Aruba.

Tambe toca temanan di aviacion civil, entre otro e ICAO audit, e situacion di e Departamento Maritimo, e Departamento di Transportacion Publico, como tambe a papia riba e Compania Estatal Arubus N.V, den cuadro di transporte publico en general.

Durante e reunion aki a sondea posibilidadnan pa intercambio di experticio cu Hulanda ariba diferente area, entre otro Agricultura. Sr. Abrahams a menciona cu den cuadro di e "bijstandsverzoek", Aruba por entrega peticionan na VNOA pa asistencia tecnico for di Hulanda.

Un encuentro unda cu a intercambia hopi informacion y a palabra cu ta keda den contacto den futuro, pa asina duna asistencia unda cu peticionnan keda haci. Sigur, un reunion hopi positivo y fructifero.

ALLTOCAR
PREMIUM OUTLET

ASE AUTOMOTIVE SERVICE EXCELLENCE

CERTIFIED
ISO 9001:2015

QUALIFIED STAFF

OIL CHANGE + SPARK PLUGS

79.50 AFL
RETAIL PRICES ~~115.50~~

THE BEST MECHANIC WORKSHOP

10 CAR LIFTS
CUTTING EDGE TECHNOLOGY

Shell Mobil Castrol Chevron KEYNETIC

Partido MEP: Den historia politico di Aruba: **AVP TA E UNICO PARTIDO DI MEDIDA**



Desesperacion pa poder no solamente ta haci hende loco sino ta pone hende perde tur berguena y eventualmente e hende ta converti su mes den un gañado compulsivo cu e fin pa logra su meta maligno. Mas aleu ainda, un gañado compulsivo ta biba lubida completamente su responsabilidad den su mes un hecho y maneho cu a causa desaster total, siendo cu niun dia el'a wordo diagnostica cu e maleza di Alzheimer.

Esaki ta e descripcion exacto pa e ex - prome minister di Aruba, Mike Eman. El'a bira un gañado compulsivo. Mas ainda pasobra e tin e mentalidad cu nos pueblo no por ta di e inteligente ey y no por distingui entre e berdad y maldad. Mike Eman a biba lubida cu e tata di medidanan di nos pais ta e mes, y awor e kier papia cu Gobierno di Evelyn Wever-Croes a bin cu pakete di medidanan.

Si Mike Eman kier papia di pakete di medida, nos por recorde tur e medidanan cu el'a impone riba nos pueblo pa asina

cubri su fechorianan y gastamento di placa pa loco. Anto Mike Eman ni un dia a pensa si e pueblo por a carga su pakete di medida mucho menos Mike Eman a haya un tiki di duele cu e tabata horcando e pueblo cu tanto medida cu el'a bin cu ne. Algun manera ladron di anochi el'a saca nan.

ESAKINAN TA UN LISTA DI ALGUN MEDIDA DI E GOBIERNO DI MIKE EMAN:

1. A hisa prima di AZV for di 1 di Januari 2011
2. A kita reduccion di prima di AOV pa parehanan casa (Awor tur dos ta paga!)
3. A hisa Roomtax di 6% pa 9% y tambe pa "all inclusive"
4. A hisa Timeshare tax
5. A introduci Vlieg tax di US\$ 10
6. A corta den derecho di empleadonan publico (middelloonregeling y franchise)
7. A hisa accijns riba cerbez, whiskey y sigaria
8. A aumenta (restriccion riba) derecho di importacion riba cerbez y biña
9. Ta cobra taxistanan na Aeropuerto
10. A hisa e suma pa pasa Staatsexamens
11. A hisa tarifa di inkomstenbelasting (eliminacion di inflatiecorrectie)
12. A hisa grondbelasting cu 15% riba e balor di propiedad
13. A introduci Car Rental Tax
14. A hisa prima di AOV entrante 1 di Januari 2014
15. A hisa edad di pensioen te cu 65 aña

16. A hisa tarifa di bus (Arubus) cu 11%
17. A introduci Vastreht di 10 florin riba recibo di coriente
18. Tin cu paga 159 florin pa bishita Eerste Hulp
19. A corta riba subsidio di SABA (nos grandinan) y SVGA (hendenan special),
20. Casa Cuna, FMAA (personanan di adiccion, FDEC (arte y musica), etc.
21. A corta den tur departamento di gobierno 500 cobrador di Onderstand,
22. 300 contractant, dienstautonan, inversionnan, etc.

ESAKINAN TA ALGUN DI E MEDIDANAN CU AVP NO A LOGRA BIN CU NAN:

1. Tin cu paga contribucion propio di 3 florin pa cada receta na botica
2. Lo hisa BBO cu 1% extra pa paga AZV (Health Tax)
3. Lo introduci un Financial Transfer tax pa tur transaccion bancario
4. Lo introduci un Koers Marge Tax
5. Lo hisa prijs di coriente cu 19% entrante 1 di october 2014
6. Lo hisa Vastreht riba recibo di coriente cu 29%

Pero e realidad ta keda cu ta AVP y AVP so ta e partido cu no solamente a hinca Aruba den estado financiero critico, sino tambe AVP ta e unico partido cu a bin cu asina hopi medida riba lomba di pueblo pa asina tapa pa nan mal maneho y gasta placa na nan friends, family y tin biaha hasta nan lovers.

Parlamentario di MEP, Rocco Tjon:

Un reunion fructifero cu sr. Hessels di Stichting Deugdelijk Bestuur Aruba

Ayer mi tabata tin un reunion fructifero cu sr. Armand Hessels di Stichting Deugdelijk Bestuur Aruba. A papia riba diferente topico manera entre otro con nan ta percibi e maneho financiero actual y e proceso pa implementa un "National Integrity System".

NATIONAL INTEGRITY SYSTEM

Manera ta conoci algun tempo pasa Prome Minister sra. mr. Evelyn Wever-Croes a firma un "memorandum of

understanding" cu Stichting Deugdelijk Bestuur Aruba pa yega na un "National Integrity System". Esaki sigur ta un paso significativo pa fortifica practicanan di bon gobernacion. Den cuadro di esaki tin cooperacion cu Saxion Hogeschool, cual ta un di e Institutonan renombra riba e materia aki. Ya caba a inicia e investigacion aki y 15 di April e profesornan en cuestion lo ta na Aruba pa papia cu diferente "stakeholders", entre otro Gobierno y Parlamento.

INVITACION PA SIMPOSIO

Durante reunion sr. Hessels a extende un invitacion oficial pa participa na un simposio na fin di aña. Un tremendo iniciativa cu lo atende aspectonan manera modelonandemocratico, cultura politico y gubernamental. E simposio aki lo conta tambe cu contribucion di profesornan di Universidad di Leiden.

PA CONCLUI

Na final di e reunion no por a keda sin toca e parti di Aruba su finanzas publico. Sr. Hessels

a duna di conoce cu el'a tuma nota di e reaccion di CAFT riba e cifranan di realizacion di 2019. Apesar cu sr. Hessels ta boga pa mas atencion pa gastonan di personal, e ta enfatiza cu e reaccion tabata positivo y cu e mes tambe ta haya esaki positivo.

Den e reaccion di CAFT a wordo subraya cu Gabinete Wever-Croes a usa 33 miyon florin menos di locual tabata presupuesta y tambe gasto di personal a baha.

Parlamentario Alan Howell

Aumento di deviezenprovisie den presupuesto 2020 no lo conveni pueblo 'at all'

Parlamentario di Fraccion di POR, Alan Howell a muestra su preocupacion pa loke por a lesa den presupuesto 2020 unda tin poni cu lo aumenta e deviezenprovisie. El'a bisa cu e tin hopi duda riba e aumento aki y cu e no lo conveni pueblo 'at all'.

E ta compronde cu e situacion financiero economico cu gobierno anterior a laga atras ta uno desastroso y pa por sanea esaki mester tuma pasonan unda tur hende ta contribui. Por mira cu tin pasonan di reduccion di gastonan di aparato publico y di otro banda ta buscando e diferente formanan pa hisa e entradanan di Pais Aruba. Entre esakinan por a ripara e aumento di e deviezenprovisie.

Aki ta unda e parlamentario di e fraccion blauw ta muestra su preocupacion ya cu e paso aki lo tin efectonan negativo riba henter nos comunidad y tambe bishitantenan. Si bin cu e aumento di deviezenprovisie tur comerciante lo sinti su consencuencianan unda lo mester bay paga mas pa e transaccionnan, mirando cu gran parti di e productonan na nos isla ta importa. Naturalmente e gastonan adicional aki lo wordo recalcula den e productonan bendi na nos comunidad, lo cual ta encera

cu tur producto lo aumenta di prijs. E ahustacion aki tambe lo tin consecucionan financiero pa tur esnan cu tin un credit card y ta usa esaki, mescos cu pa esnan cu ta manda placa afo. Howell ta bisa cu e situacion den cual nos comunidad ta aden ta uno hopi dificil caba, costo di bida na Aruba ta hopi halto caba, hopi famia ta den situacionnan hopi precario y tin algun di nan cu e placa no ta yega pa cumpra cuminda. Cu esaki ta aumenta e presion riba nos sociedad y por aumenta e problemanan social cu ya caba ta alarmante.

Ademas, e aumento di deviezenprovisie lo tin efecto negativo riba proyectonan miyonarionan cu ta den pipe line pa cuminsa na Aruba, cu lo por contribui cu e boost y desaroyo economico di nos pais. Poniendo esakinan den un posibilidad pa kizas no bay door mas, debi cu e proyecto lo sali mucho mas caro cu a wordo presupuesta of financia.

Gabinete Wever-Croes a bin ta haci su best pa mehora e situacion financiero di Aruba cu a hereda for di gobierno di AVP, a purba di tur manera pa mehor'e sin cu a mishi cu saco di nos hendenan. Pero debi na e desaster y e buraco gigantesco den caha di nos pueblo, mester a tuma e decisionnan di bin

cu un serie di ahustacionnan pa nos tur contribui un tiki pa evita cu nos isla sigui den e rumbo di bancarota cu nos tabata bayendo. Mientras tanto, a pesar di e situacion asina complica, toch a logra e forma pa presenta un presupuesto cu un surplus y cuminsa paga pa e locura di proyectonan PPP di gobierno di AVP. "Mi ta consciente cu cierto pasonan ta necesario, pero mi ta sigur cu integrantenan di Gabinete Wever-Croes ta consciente tambe cu nos pueblo no por carga mas pa e erornan y e locuranan di gobierno pasa y mi ta sigur cu lo por bin tambe cu otro formanan pa evita esaki", parlamentario di POR a declara.

Teniendo tur e puntonan ariba menciona, Alan Howell ta haci e peticion na Gabinete Wever-Croes pa reconsidera e aumento di e deviezenprovisie



na e momentonan aki y pa mira otro posibel solucionnan pa logra aumenta e entradanan di gobierno sin mishi mas cu e cartera di nos pueblo. Naturalmente Fraccion di POR tambe lo presenta alternativanan durante reunion publico.

Donacion di Quota Club pa Hende Muhernan den Dificultad



Den cuadro di Dia Internacional di Hende Muher diasabra ultimo Quota Club a haci un donacion den forma di un wasmachine pa Fundacion Hende Muher den Dificultad. Ta pa algun tempo caba tabatin necesidad pa un wasmachine nobo den e cas unda hende muhernan, cu ta pidi asistencia, por hospeda.

E coordinador sra. Magaly Maduro a yama bon bini na e comision di Quota Club y a

duna un splicacion amplio kico e trabao di FHMD ta encera.

E comision di Quota tabata consisti di Gwen van Trikt-Rojer, Farida Feliciano-Figaroa, Ivy Simon-Hernandez, Rina Gonzalez y Noris van Lis-Donata.

Nan tur a keda impresionada di e gran trabao cu ta tuma lugar den FHMD. Miembronan presente di e directiva di FHMD sra. Sigrid Torres y Astrid Muller tambe a muestra nan gratitud na Quota pa e bunita gesto pa alivia e trabao domestico den e cas. E aña aki FHMD lo celebra nan 25 aña di existencia

Booshi Wever di UPP:

GOBIERNO, PARLAMENTO "otro", CAFT Y SVb NO KIER COMPRONDE CU "NO HAY CAMA PA TANTA GENTE"



Algun siman pasa CAft a decreta cu nan ta sostene e sugerencia di SVb pa den e añanan venidero e contribuyentenan di SVb y AZV subi cu un cantidad di 28.000 trahador di afor. Esaki, segun nan, ta necesario pa garantiza e nivel di nos sistema social y di cuido (maleza y vehez). UPP a mostra cu 28.000 contribuyente mester wordo multiplica cu factor 4 (den caso di reunificacion di famia), loke significa un total di rond di 112.000 hende extra riba e pais aki. Varios organizacion, incluyendo SVb, a mostra cu e "quickfix" di 28 mil inmigrante tin efectonan negativo, pero no ta duna un splicacion kico esaki ta encera. UPP a pidi e instancianan aki, pa publica e informacion- y estudionan correspondiente pa en todo caso brinda nos pueblo e oportunidad pa por huzga e meritonan di e "quickfix" aki, pero manera a para bira custumber di e gobierno actual, igual na esun anterior, atrobe ningun reacion. Pakico e silencio hermetico pa un topico cu un embergadura di marca mayor pa nos futuro??

Nos por corda cu na comienzo di gobernacion POREDmep,

e coalicion den Parlamento a mostra riba e moratorio cu mester bin riba expansion di cambernan di hotel. A urgi e ministernan den un mocion pa atende cu e capacidad di carga cu tur seriedad, pero atrobe nos mester constata cu e urgencia a desaparece den e buki di olvido. Loke si a bin ta sosode ta, sin ningun tipo di estudionan di factibilidad, cu gobierno POREDmep a bay over na expande e cantidad di kamber bao di e pretexto cu ta AVP ta esun cu a compromete Aruba cu mas kamber. E forma descabeya cu AVP tabata maneha otorgamento di tereno, incluyendo pa expansion di mas hotel- y condominionan, a pone cu desde 2013 UPP a cuminsa vocifera cu no mester bin cu mas construccion di hotelnan grandi aki na Aruba. Na 2017 incluso nos a urgi gobierno pa para construccion di "boutique hotel", ya cu cada kamber cu wordo traha ta implica importacion di mas trahadornan di afor.

Nos a mostra cu e nivel di e poder laboral cu mester importa, tanto ora di construccion como despues pa duna servicio den

hotelnan, lo no ta esun cu ta bay gana un bon salario. UPP a duna como alternativa, envez di un e "quickfix" di construccion di mas hotel, pa atrae inversionistanan den sector di servicio y di industria hi-tec. Ta conoci cu e tipo di industria aki lo emplea personanan cu un salario mas haltu. Nan lo tin un mihor contribucion na nos fondonan social. E inmigrante cu bin pa traha den e hotelnan (85% lo ta gana sueldo minimo) lo contribui masha nada nada mes na e parti di prima di AOV/AWW y AZV.

En cambio, e impacto riba e fondonan ora di bay haci uso di nan, lo hustamente peligra e fondonan aki mas. Sin papia mes di e importacion di mas problema social cu e "quick fix" aki lo trece cune!!

UPP a kere cu expansion di e cantidad di habitante cu 112 mil personanan lo mester a haya atencion di biaha di e parlamento "otro" y gobierno! Un reunion urgente di Parlamento mester a tuma lugar caba pa asina papia riba e tema aki, particularmente mirando cu ta CAft sugeri esaki. Pero ningun reaccion pasobra loke CAft sugeri parce di ta ley

pa e gobierno actual. Ni sikiera un calculacion kico e efecto di 28.000 contribuyente extra lo significa y p'esey UPP tin e conviccion, cu aprobacion di gobierno y parlamento "otro" pa permiti e 28 mil trahador y nan famia bin establece na mes na Aruba ta "pan comido". E encargo cu Parlamento "otro" a duna gobierno pa studia e capacidad di carga un biaha mas a wordo lubida.

AHATA a manda un mensahe hopi cla kico ta pasando y kico lo bai pasa si sigui cu e maneho populista di e gobierno POREDmep, pero ta parce cu un biaha mas no tin oido pa e gritonan di advertencianan aki.

"NO HAY CAMA PA TANTA GENTE" y p'esey UPP ta urgi gobierno pa NO permiti sin mas un modelo di porta y bentana habri manera ta e caso awor, pero si mester mas trahador di afor mes, institui atrobe e modelo Suizo, esta permiso pa maximo 3 año. AVPOR a tira e modelo aki den "prullemand" y POREDmep a corona e obra door deshaci di dje definitivamente pa medio di ley. Te na ultimo, prome cu a elimina e modelo aki for di den ley, UPP a trata di mostra na e partidonan for di unda e modelo aki a nace, cu hustamente mester conserva e parti aki den ley. E modelo Suizo hustamente lo significa cu e.o. e peso riba e fondonan di tanto AZV como di SVb lo wordo mitiga grandemente.

Pero lamentablemente nos tin un "Parlamento otro y diferente".



Shailiny Tromp-Lee (MEP):

“Dia 9 di Maart 2020, nos a reuni cu ATIA den e Comision Fiho di Labor y Sector Premario cual mi ta presidi”



Un reunion cu pa algun tempo tabata pending. Nos a reuni cu Representantenan di ATIA, esta sr. Tito de Cuba cu ta secretaris di Board di ATIA y sra. Michelle de Groot Director di ATIA.

ATIA como organizacion ta traha cu diferente comision interno. Un di nan ta esun di labor. Sr. Tito de Cuba ta presidi dicho comision pa ATIA.

Industria Turistico

Durante e reunion nos a trata diferente punto. Entre otro a trata e retonan grandi riba mercado laboral, si tene na cuenta e posibel desaroyo economico cu ta keda premira pa e industria turistico. Desaroyonan cu lo crea cuponan di trabao y cual na e momentonan aki nos mercado laboral no por yena. Un manera cu a keda trata pa contra aresta e problema aki, ta door di stress riba un mihor matching entre labor y enseñanza.

Hobennan & Empleo di Futuro

Otro aspecto interesante y cu ATIA tambe ta subraya su necesidad ta e maneho y plan di accion dirigi riba nos hobennan. ATIA ta

indica cu mester haya un bista total y completo di e hobennan aki pa enberdad nos por yudanan. Aki nos a informa cu Gobierno a informa Parlamento cu esaki lo ta cla na mei awor.

Otro aspecto interesante cu nos a touch un rato ta empleonan di futuro manera Coding y tambe e posibilidad pa haci uso di remote work - traha for di cas. Segun ATIA den futuro mas y mas nos ta bay tin mester di nan y sigur e ultimo a demostra cu e por beneficia e productividad di un trahador y aporta na e bienestar social di nos país.

Imagen doño di trabao

Un punto hopi importante cu ATIA a presenta ta cu nan kier bay traha riba e imagen di e doño di trabao (por ehempel pa kita e stigma cu nan ta explota trahadornan). Pa logra esaki nan lo bay traha riba data, esta cuanto trabao nan ta crea, cuanto placa/salaris esakinan ta genera, info over tur e community work, sponsoring etc cu ta sali di nan miembronan. Cu por tin doñonan di trabao cu ta actua Incorrecto por ta e caso pero ATIA sigur no ta sostene e practicanan aki.

Tambe nos a papia over di e structura salarial di entre otro e industria industrial caminda tips ta hunga un rol hopi importante.



E reunión en general a bay den bon ambiente y caminda mas puntonan a keda trata manera:

- Redtape den Gobierno y e Fast-track cu Gobierno kier introduci pronto
- Info session di ATIA pa su miembronan encuanto Ley di Labor, impuesto etc.
- Un parti di reforma fiscal
- Posibel introducción den futuro di un certificacion pa e sector di
- Construcción
- Coronavirus: ATIA a sinta cu DVG y lo tin un info session pa nan miembronan dentro di poco
- Vergrijzing

Na final a keda palabra cu lo bay mantene un relacion mas estrecho y cu lo percura pa reunionnan mas regular entre e Comision di Labor y Sector Primario di Parlamento cu ATIA.

Exitoso evento Pal'i Muher



Diabierna 6 di Maart ultimo tabata un anochi masha special ora cu AZV hunto cu Penha Aruba a celebra e Dia Internacional di Hende Muhe cu e evento 'Pal'i Muhe'. Aki ta unda hopi hende especialmente e hende muhenan a acudi na Penha Aruba pa participa na e seminarionan interactivo di e specialistanan medico. Igualmente e publico por a disfruta di varios snacks saludabel y haya informacion na diferente 'booths'.

Programa interesante E anochi a ranca sali cu presentacion di gineacologa, dokter Babet Latour, cu a elabora ampliamente riba cancer di matris y e uzo di anticonceptiva. Dokter Babet Latour a cautiva e publico presente cu e importancia di cuida nos adolescentenan pa un cierto tipo di Human Papiloma Virus. Siguientemente tabata dokter Karina Kelly na palabra, cu a mustra e participantenan riba e importancia di nutricion y movcion den nan bida diario pa asina evita e malesa di diabetes. Aruba Vision Center representa door di dokter Nicolas Ordoñez a presenta e importancia di uzo di bril di solo pa proteha e wowonan y e malesa di wowo 'glaucoma'. Tabata dokter Hendricus van Gaalen cu a finalisa e anochi. Cu e titulo di su presentacion "who's mad?" dokter van Gaalen

no a solamente logra capta tur atencion pero sigur laga tur hende hari ora mester a reconoce cu tin diferencia grandi entre con e hende muhe ta pensa compara cu e hende homber.

Otro actividadnan Durante henter e anochi, e publico presente por a shop den Penha Aruba y bishita varios organisacion manera Aruba Vision Center (unda por a midi presion di wowo), Compra Aruba NV (cu presentacion di nan producto Crest), Hodgson Trading NV (unda por a purba un salada saludabel traha cu nan zeta di oleifi y vinager balsamico), studiantenan di EPI (cu a midi suco y presion) y AZV cu servicio pa yuda e cliente download e AZV app. Adicionalmente, e publico a haya tips pa bailamento tanto sinta riba stoel como para ta baila.

Gradicimento AZV ta gradici tur organisacion cu a yuda haci Pal'i Muhe un realidad: Penha Aruba, Victoria Secret, MAC, Bath & Bodyworks, Crest (Compra Aruba), Aruba Vision Center, Hodgson Trading, Setar NV, Body Zone, Pandora Aruba, Glams, Rockstar Nails & Spa, Rejuvenate Spa Aruba, Super Do It Center, Romar Trading, Manrique Capriles, Bazzrrr Galleria & Brasserie, Lindy Lifestyle Boutique.



Italia a tuma medida severo:

Ta lock henter e pais. Ningun hende mag sali. 10.000 caso registra, casi 500 morto.



E desplasamentonan den henter Italia lo ta fuertemente restringi como un medida nobo drastico di e gobierno pa para e propagacion di coronavirus, e prome minister Italiano, Giuseppe Conte a anuncia dialuna.

Conte, den un rueda di prensa, a aclarea cu e medidanan introduci dos dia pasa, den su mayoria parti nort di Italia - decreta como e "zona cora" door di e brote di covid-19 - ya no ta suficiente, pa cual lo mester extende den henter e pais entrante diamars.

"Keda cas," ta loke Conte a pidi e ciudadanonan. E prome minister a agrega cu personanan solamente por desplasa pa trabao y emergencia.

Na e mesun momento, e lider Italiano a aclarea cu transporte publico lo sigui ta operativo, mientras cu scol y universidadnan den henter e pais, lo sigui ta cera te cu dia 3 di april.

Conte a sigura cu e lo firma e decreto corespondiente di inmediato y dicho medidanan lo drenta na vigor entrante diamars.



Stichting Casa Cuna Progreso zoekt:

Per direct

Gedragsdeskundige/ (gz) Psycholoog/ Orthopedagoog

'De jeugd heeft de toekomst, die toekomst moeten we samen maken'

Stichting Casa Cuna Progreso bestaat uit twee afdelingen, namelijk een afdeling 24-uurs opvang en dagbehandeling voor kinderen van 0 tot en met 6 jaar die (tijdelijk) niet meer thuis kunnen wonen en/of begeleiding nodig hebben, vanwege een belaste gezinssituatie. De kinderen hebben veelal te maken gehad met traumatische ervaringen, zoals mishandeling, misbruik, verwaarlozing of huiselijk geweld. De tweede afdeling van Casa Cuna Progreso is een tienermoederhuis, die 24 uur per dag opvang, zorg en begeleiding biedt aan (zwangere) tienermoeders in de leeftijd van 13 t/m 23 jaar. Doel van dit tienermoederhuis is de jonge moeder zodanig te begeleiden dat zij uiteindelijk zelfstandig voor haar baby kan zorgen in een eigen woonomgeving.

Als gedragsdeskundige ben jij verbonden aan beide afdelingen. Jij bent inhoudelijk eindverantwoordelijk voor de begeleiding en behandeling van de kinderen en de tienermoeders bij Casa Cuna. Jij bent voorzitter van de interne multidisciplinaire overleggen, waarin de begeleidingsplannen van de kinderen en de moeders opgesteld en geëvalueerd worden. Jij verricht psychodiagnostisch onderzoek bij de kinderen en tienermoeders en biedt hen tevens behandeling. Verder ondersteun, begeleid en coach je medewerkers bij de uitvoering van hun taken. Ook lever je een bijdrage aan het inhoudelijke beleid van de organisatie en aan de implementatie daarvan.

Casa Cuna zoekt een ervaren en flexibele gedragsdeskundige. Je bent initiatiefrijk, slagvaardig, proactief en je hebt daarbij uitstekende communicatieve vaardigheden. Wij hebben aan jou een zelfstandige professional die tegelijkertijd goed kan samenwerken. Het is een pre als jij ervaring hebt met de doelgroep en kennis hebt van IMH, trauma en systeemgericht werken.

Wij vragen:

- Een afgeronde Master Orthopedagogiek of Psychologie met diagnostiek aantekening;
- Gz Psycholoog of Orthopedagoog Generalist is een pre;
- Minimaal twee (2) jaar relevante ervaring;
- Stressbestendigheid en improvisatievermogen vereist bij interventie in crisissituaties;
- Kennis van en inzicht in groepsdynamische processen;
- Computervaardigheid (Windows, tekstverwerking, spreadsheet);
- Mondelinge en schriftelijke taalvaardigheid in het Nederlands, Engels en Papiamentu;
- Planmatig, georganiseerd en sterke sociale en communicatieve vaardigheden om de professionaliseringslag die gemaakt gaat worden binnen Stichting Casa Cuna Progreso tot een hoger niveau te kunnen tillen;
- Proactief, een goede teamplayer, gedreven en resultaatgericht;
- Een rijbewijs B.


Casa Cuna is een instelling met hoge ambities. Wij hechten veel waarde aan het leveren van kwalitatief goede zorg en zijn blijvend in ontwikkeling. Afgelopen jaren is er veel geïnvesteerd in het professionaliseren van de organisatie en ook de komende jaren zal hier verder in geïnvesteerd worden. Casa Cuna biedt jou een uitdagende en afwisselende werkplek met fijne collega's.

Informatie en aanmelding:

Uw schriftelijke aanmelding, CV en een kopie van uw diploma's dient u vóór 27 maart 2020 te sturen naar de vice voorzitter van de Stichting Casa Cuna Progreso, dhr. Carlos Albertus, Pos Chiquito # 4, Aruba. P.O. Box # 733, Email adres: bpinterfaceaua@setarnet.aw en naar mw. Renate van Dongen, Email adres: directie@casacuna.aw.

Eventuele nadere inlichtingen kunt u inwinnen bij de directeur mevr. Renate van Dongen (telefoon 585 7177). E-mail adres: directie@casacuna.aw

Di acuerdo cu Tripadvisor Eagle Beach ta figura entre e mihor beachnan pa 2020



E lista di e top 10 beachnan na mundo ta e beachnan den e parti west di mundo pa Tripadvisor. Entre nan ta figura nos Eagle Beach como e number 7 na mundo, cual sigur nos mester ta super orguyoso di e logro aki

Bo ta siña di un vakantie drumi dushi asina riba beach? Wel Tripadvisor a saca su ultimo edicion di su ranking di e mihor beachnan anual.

Aki ta sigui e lista di e 10 mihor beachnan di mundo pa loke ta 2020, di acuerdo cu Tripadvisor:

1. Baia do Sancho, Fernando de Noronha, Brazil
2. Grace Bay Beach, Providenciales, Turks and Caicos
3. Playa Paraiso, Cayo Largo, Cuba
4. Spiaggia dei Conigli, Lampedusa, Islands of Sicily
5. Prainhas do Pontal do Atalaia, Arraial do Cabo, Brazil
6. Seven Mile Beach, Grand Cayman, Cayman Islands
7. Eagle Beach, Palm – Eagle Beach, Aruba
8. Flamenco Beach, Culebra, Puerto Rico
9. Varadero Beach, Varadero, Cuba
10. Kleftiko Beach, Milos, Cyclades

89.50 AFL
RETAIL PRICES 129

**WHEEL 3D
ALIGNMENT**

📍 PONTON 71
📍 LG SMITH BLVD 114
☎ 744.59.07

TRAINED STAFF
ASIA, EUROPE, AFRICA

PUNCTUALITY AND GUARANTEE
EQUIPPED WORKSHOP

DUNLOP **PIRELLI** **MOMO tires** **HANKOOK**

Partido MEP:**Cu e debe di 2 biyon florin cu el a crea:****E UNICO PAKETE CU TIN TA E PAKETE DI LOCURA DI MIKE EMAN**

Mike Eman ta keda un individuo cu por sorprende hende ainda cu su locura y gañamentonan. Mike Eman, mirando cu nos ta drechando den aña di eleccion, ta sigui tira tur e responsabilidad di su mal maneho riba e gobierno cu ta gobernando actualmente. Mike Eman hunto cu integrantenan di AVP ta bay todo por todo pa bin bek un proximo gobernacion pa sigui comete nan fechorianan mirando cu Gabinete Wever-Croes ta poniendo finanzas publico na ordo un biaha despues di un disaster financiero di Partido AVP.

Hecho ta, cu Mike Eman a goberna pais Aruba a lo loco creando un debe di 2 biyon florin den apenas 5 aña, redoblando esaki, mientras cu den 23 aña prome cu Mike Eman, e debe tabata na 2 biyon. Y esaki ta e realidad cu e Gobierno di Evelyn Wever-Croes ta enfrentando. E momento cu Mike Eman a hinca e locura grandi den su cabez pa crea un debe sin sa con e lo bay pag'e, Mike Eman a crea un problema pa nos pais.

E momento cu Mike Eman a hinca e locura den su cabez pa pone estabilidad financiero di nos pais den peligro, el'a introduci su pakete di medida pa nos pueblo creando un problema pa nos pais.

E momento cu Mike Eman a bin cu su pakete di medida pa nos pueblo sin consulta cu niun hende y saca cada medida manera ladron di anochi, el'a sigura tambe cu cualkier gobierno cu a sinta despues di 2009 pa 2017, lo mester a busca e mihor manera pa manaha e situacion financiero y lora manga y traha na bienestar di nos pueblo.

Ta lamentabel cu awe, Mike Eman sin sikiera pone un saco di papel riba su cara pa tapa su sinberguensura door di a causa e pueblo aki un daño asina grandi, e ta cana bisa pueblo cu Aruba tin debe grandi. Mike, ta abo mes a crea e debe grandi aki cu bo pakete di locura.

E momento cu Mike Eman a anuncia cu el'a crea e debe gigantesco y e lo bay paga cu orguyo, Mike Eman, sin bisa e pueblo, el'a anuncia silenciosamente cu e orguyo aki lo bin for di saco di pueblo, pasobra e realidad amargo ta cu mester paga. Y awe, pa salba Aruba di bay bancarota, pueblo ta paga Mike Eman su debe cu e unico medida cu Gabinete Wever-Croes a bin cu ne, e

BAVP, e impuesto di crisis, pasobra Mike Eman a laga nos den un crisis financiero grandi.

Pero, pronto esaki tambe lo pasa pa pasado, e BAVP hunto cu Partido AVP lo wordo elimina y pueblo lo sinti e alivio atrobe di un Aruba di prosperidad.

Cu pasenshi, Gobierno di Aruba ta logra drecha e situacion financiero di nos pais, no pa Mike Eman y su Partido bin dañá atrobe, sino pa entrega e pais aki na nos yiunan sin cu nan tin mester di preocupa cu tin un debe riba nan cabez.

Tur Gobierno cu a sinta, lo mester a busca manera pa paga pasobra Mike Eman solamente a crea e debe, e no a crea e manera pa paga e debe. Ta e Gobierno di Evelyn Wever-Croes ta creando e solucion pa paga e debe di Mike Eman, sin Pakete di medida y mas ainda, sin locura.



MAINOFFICE
L.G. SMITH BLVD 116
LOKAAL 5-12 | 297 566.9117 | www.dushivibefest.com

UN DOKTER MILITAR CHINES TA INYECTA UN VACUNA CONTRA CORONAVIRUS AINDA NO PROBA RIBA HUMANO

ChenWei un epidemiologo di e Ehército di China cu ta investiga pa detene e epidemia di e coronavirus nobo, a inyecta un vacuna contra covid-19 cu ainda ta den fase di desaroyo.

E imagennan di e maniobra cu e muhe di 53 aña aki a realisa hunto cu seis miembro di su ekipo a causa revuelo riba rednan social, ya cu e preparado aki ainda no a wordo purba riba humano.

Autoridadnan di China a comparti e potretnan aki riba e red social Weibo, pero posteriormente a elimina e publicacion aki pasobra ora a descubri cu e protagonistanan no a realisa e ensayonan previo pertinente, e medio IB Times a splica.

Progreso clave

E ekipo di investigacio cu Chen ta dirigi ta traha desde mas di un luna pasa den e Instituto di Virologia di Wuhan (Hubei, China) y a logra "un progreso clave" den e desaroyo di productonan farmaceutico cu lo permiti combati e coronavirus aki.



E especialista a sigura cu e specialistanan Chines ta haci tur posibel pa tin "un aplicacion clinico" di e articulonan aki, desde un vacuna te cu producto y tratamentonan cu ta permiti aumenta e inmunidad di e pobla-

cion.

Diverso laboratorionan di mundo ta esforsa pa logra un vacuna efectivo contra covid-19 vooral desde cu un instalacion Chines a identifica tur e secuencia genético di coronavirus na januari.

Te na e momento ta existi diverso prototipo, pero por pasa lunanan te ora cu caba cu e pruebanan riba humano y pa obtene e permisonan necesario pa distribui e producto final na publico.

NACIONNAN UNI TA CERA SU SEDE NA NEW YORK PA PUBLICO ANTE E MENASA DI CORONAVIRUS

Nacionnan Uni a dicidi di cera su sede na New York pa publico y cancela e bishitanan, como tambe limita empleadonan cu ta traha den su instalacionnan como medida contra e propagacion di coronavirus, Stephane Dujarric, vocero di e secretario general di e organizacion a comunica.

E medidanan a drenta na vigor entrante 8'or di diamars anochi sin cu a precisa te ki fecha. E vocero a nenga cu lo tabata tin casonan con-



firma di enfermonan di covid-19 entre e empleadonan di Nacionnan Uni den e ciudad Mericano, medionan local a informa.

**WASTE HANDLING
CLEANING SERVICES**

**SCEPTIC TANK
(7 CUBE)**

**PRIJS SPECIAL
AWG 75,-**



**YAMANOS NA:
560 3500 OF 563 4201**



"Mi no ta compronde preguntanan riba cosnan cu mi no ta controla," DT di Barca ta bisa riba coronavirus cuadrando cu Klopp

E entrenador di Barcelona, Quique Setien, a haci eco di algun declaracion di DT di Liverpool, Jurgen Klopp, door di a señala cu no mester pidi opinion di e tecniconan di futbol riba e impacto di coronavirus.

Klopp a wordo ampliamente elogia e siman aki ora cu a cuestiona cu personan sin formacion medico mester emiti un opinion riba e crisis sanitario cu a cobra mas di 3.300 bida y a forsa cu eventonan grandi deportivo pospone of ta hunga sin fanatico.

"Ta parcemi extraordinario e respuesta di Klopp. Ami ta dedica na hunga futbol. Mi ta desconoce ki balor por tin e opinion cu ami tin di esaki," Setien a bisa den un rueda di prensa diabierna.

"Mi no ta compronde e preguntanan riba cosnan cu uno ni ta controla ni compronde. Pero wel,

nya cu tin cu puntra algo," el a añadi.

E partidonan di buelta pa e octavonan di final di Champions League entre Valencia y Atalanta lo tuma luga porta cera na Mestalla otro siman, como tambe e yabi entre Getafe y Inter di Milan pa Europe League.

Pa awo, e partido di buelta di octavonan di final entre Barca y Napoli lo tuma luga cu normalidad y Setien a bisa cu e ta spera cu e tuma luga den un stadion yen, aunke el a destaca cu e lo acepta loka autoridadnan dicidi.

"Ya a tocami di hungado hunga sin publico y tabata hopi tristo, di berdad. E ambiente cu e ta genera, e impulso, ta hopi importante," el a bisa.

"Ta temanan cual nos lo tin cu haci caos na autoridadnan. Si mester haci'e, e tin cu wordo



haci."

Setien a haci e comentarionan aki prome cu e partido pa La Liga cu su ekipo lo hunga na cas contra Real Sociedad diasabra,

e prome desde cu nan a perde 2-0 di e clasico contra Real Madrid diadomingo ultimo, a cede e prome puesto na nan archirival.

ATALANTA Y LEIPZIG TA LOGRA PASE HISTORICO PA CUARTONAN DI FINAL DEN CHAMPIONS LEAGUE

Atalanta y Leipzig a logra diamars un clasificacion historico pa cuartonan di final den Champions League despues di a gana Valencia y Tottenham Hotspur, respectivamente pa cera nan yabi cu dos victoria.

Den un emocionante partido caminda cu e centrocampista Josip Ilcic

a descoya, Atalanta a impone 4-3 riba su rival na Mestalla pa cera e eliminatorio cu un marcador global di 8-4 pa asina drenta entre e miho ochonan di Europa den su prome participacion den e torneo.

Ilcic a marca e cuater golnan di su ekipo den un partido cu a tuma luga

sin publico memey di e medidanan tuma na nivel continental pa para e propagacion di coronavirus.

E defensor di Valencia Mouctar Diakhaby a concede e dos penaltynan den e prome mita, ambos converti pa Ilcic, cu a bolbe anota otro dos biaha den e di dos parti.

Pa Valencia a marca Kevin Gameiro den dos oportunidad y Ferran Torres. Mientras tanto, Leipzig a gana Tottenham 3-0 como local pa suma un 4-0 global y tambe yega na cuartona na prome biaha den



su historia.

Marcel Sabitzer a marca un doblete den e prome parti y Emil Forsberg a anota 3-0 definitivo poco minuut di e final pa hundi na u nekipu cu no a conta cu e lesionadonan Harry Kane y Son Heung-min.



Tipline: 585 9500

e-mial: solodipueblo@



SEMINARIO CONSULTATIVO NA MANA RIBA RETONAN DI CAMBIO DI CLIMA DEN CARIBE

Diahuebs awor 12 di maart entre 14:00 y 18:00 den auditorio di MANA tin un encuentro entre Organizacionnan Gobernamental, Organizacionnan No Gobernamental Arubiano y cientificonan di Universidadnan Hulandes y di Caribe Hulandes.

Lo presenta charlanan relaciona cu cambio di clima y su relacion cu bida comunitario. Tambe lo tin presentacion di un programa door di Prof. dr.

Corinne Hofman y dr. Francio Guadeloupe cu lo entrega na e Organizacion Hulandes pa Investigacion Cientifico (NWO). Basa riba e presentacion di e prome concepto di e programa lo delibera riba preguntanan di investigacionnan pa e programa final cu lo entrega na NWO pa financiamiento. Meta di e programa ta pa investiga di diferente perspectiva con hende a anda cu cambio di clima y su impacto riba diferente tere-

no di bida. Resultado di e programa ta pa identifica solucionnan duradero con pa anda cu cambio di clima na nivel di Caribe y globalmente.

Personanan cu por y desea di duna un contribucion na e deliberacion di formulacion di preguntanan investigativo pa e programa final ta bon bini. Sea asina bon di notifica via email harold.kelly@gmail.com pa mas tarda dia 12 di maart pa 11:00'or bo participacion.

Island(er)s Under Threat Outreach Seminar



Natural disasters have hit the Caribbean islands and their inhabitants for thousands of years.

The recent devastation brought by hurricane Irma and the continuous erosion of the islands' coastal areas are but the latest manifestations.

Please join us to discuss the climate change challenges that face our islands and talk about sustainable solutions!



March 12 2020

2pm-6pm

Location: Museo Arqueologico Nacional Aruba

Accidente pa falta di preferencia na e cruzada Koningstraat Emmastraat




Diahuebs atardi a drenta informe di un accidente na e cruzada Koningstraat/Emmastraat, mesora a dirigi un patrulla na e sitio. Na yegada si e patrulla a bin comprende cu aki ta trata di un accidente unda cu un Jeep biniendo di pariba no a para pa duna preferencia na e Honda biniendo di nort. Aunke e impacto tabata fuerte afortunadamente ningun hende a resulta herida.

Asadero San Cristobal

na Sta Cruz

Tur merdia cuminda cayente...



Pica Pollo - Medio Pollo y
hopi cuminda mas

PA PEDIDOS
Tel. 566-0319
Whatsapp Cel. 566-0319

Habri te nochi..



SAUDI ARAMCO TA ANUNCIA ACUERDO DI PATROCINIO CU FORMULA UNO

E petrolero estatal Saudi Aramco a anuncia dia-mars un acuerdo di patrocinio global a largo plazo cu Formula Uno, unda cu por ta otro pa e reino di Golfo eventualmente alberga un grand prix.

Aramco a sostene cu e acuerdo aki ta e prome di tipo global cu un evento deportivo importante.

Di su parti, F1 a anuncia cu Aramco lo ta e patrocinador principal di e premionan grandi di Merca, España y Hungría e tem-

porada aki y cu e marca lo aparece riba pista den mayoria di e caredanan.

E empresa ta suma na e grupo di seis socio globalj cu ta conforma di DHL, Emirates, Heineken, Pirelli y Rolex.

Saudi Arabia y F1 tabata discutiendo e posibilidad di celebra un careda den e pais durante algun tempo. Medio Oriente ya ta alberga dos careda na Bahrain y Abu Dhabi, cu contratonan lucrativo a largo plazo.



Miami Open ta sigui p'adilanti apesar di temor pa coronavirus



Miami Open, cu ta reuni e miho tenistanan di mundo, lo tuma luga segun programa dentro di dos siman, apesar di e preocupacionnan riba coronavirus, e organisadornan a bisa dialuna.

E comentarionan riba e torneo aki a tuma luga oranan despues di e cancelacion di Indian Well na ultimo momento debi na e preocupacionnan riba e propagacion di coronavirus den e parti zuid di California.

"Miami Open 2020 ta avansa segun programa, dia 23 di maart pa dia 5 di april," e organisadornan a bisa den un comunicado.

"E seguridad ta sigui ta prioridad y nos ta monitoreando e situacion di COVID-19 cu funcionari-onan local, estatal y federal y organisacionnan di salud den e periodo prome cu e torneo."

Miami Open di aña pasa a atrae casi 400 mil espectador. Roger Federer actualmente margina despues cu el a opera su

rudia na februari, a gana e titulo masculino na Miami pa di cuarter biah aña pasa, mientras cu e Australiano Ash Barty a triunfa den e evento femenino.

Rond mundo a cancela vuelo a aisla comunidad y cruceronan y a pospone concierto y ferianan.

Hasta e Weganan Olimpico di Tokyo por ta na peligro.

TA BENDE



HOTFOOD STATION

Di 110V 4meter Largo y 1 meter Hanchu

Pa afl 2000,00 or best offer

Pa mas info yama

593-1865 of 593-2775

BBQ
DI NESTOR

Siribana 45a na "Sta Cruz"



7497071 OF 5690131

A lanta un reto viral nobo di baile cu final inespera

Celebridadnan manera Jennifer Lopez y Camila Cabello no ta tarda den participa

"Flip the Switch Challenge" ta e reto viral nobo lansa riba rednan social siman pasa: e ta consisti di graba un video hunto cu un otro persona, mientras un di e dosnan ta balia e cancion "Nonstop" di e rapero Drake; despues ta paga e luz pa nan cambia di rol, hasta nan paña.

Den e reto a participa personanan famoso como e exprecandidato democratico di Merca, Elizabeth Warren, e actriz Jennifer Lopez y e exbasebolista Alex Rodriguez, e cantante Camilla Cabello y varios strea di television Mericano, entre otro.

E famoso pareha forma pa Jennifer Lopez y Alex Rodriguez a uni na e "challenge" y a publica un video riba nan cuenta di rednan social dia 8 di maart, unda cu por a mira e cantante bailando cu un bisti blanco y pega, mientras cu e exbasebolista profesional ta graba refieha den un spiel cu su celular. Segundonan despues, e ta paga e luz y ambos ta cambia di rol: Rodriguez ta aparece cu un bisti blanco di su pareha, bailando y JLo tin e paña y bril di solo di e



exdeportista bisti.

Otro participante destaca ta Elizabeth Warren, awo excandidato den e primarianan di e Partido Democra di Merca, kende a acudi na e programa di television Saturday Night Live diasabra.

E video di un baile di Warren y

un di e streanan di e 'show' Kate McKinnon, a wordo publica riba e cuenta oficial di e programa di Twitter y ya tin mas di 21 miyon di visualisacion.

Tambe a uni na e reto di "Flip the Switch Challenge" e cantante Cubano-Mericano Camila Cabello y

e coreografo Calvit Jr.

Otro actris y strea di television Mericano, Andrea Boehlke y su copresentador di e programa People Now, Jeremy Parsons, a publica un video unda cu e ta replica e malabarnan.

IMAGENAN NOBO DI RONALDINHO DESDE E PRIZON PARAGUAYO

UNDA CU E TA CERA DOOR DI A BIAHA CU PASPOORT FALSO



Recientemente a circula riba rednan social imagennan nobo di Ronaldinho Gaucho desde e Agrupacion Specialisa, sede di Polis di Paraguay, unda cu e ta cumpli prizon preventivo tras di su ingreso den e pais aki cu un paspoort falsifica.

Den e potretan, e exfutbolista Brasileño ta aparece den un patio di e reclusorio y ta lusi trankil hunto cu otro detenidonan. Na el uga, localisa p'afo di Asuncion, ta aloha ademas personanan relaciona cu casonan di narcotrafico, politiconan acusa di corrupcion y expolisnan cu procesonan hudicial en espera di un sentencia, segun e corant deportivo Marca.

Dia 10 di maart, a ratifica e medida cautelar cu ta pisa riba Ronaldinho y su ruman homber, Roberto de Assis Moreira, despues cu un hues Paraguayo a rechasa e pedido di libertad condicional of aresto domiciliario solicita pa e defensa.

E autoridad aki a splica cu, aunke a presenta un edificio como fianza, fiscalnan a considera su monto insuficiente y por lo tanto e situacion di ambos detenido lo mantene mesun cos mientras cu investigacionnan ta continua, cu ta apunta e compliciad di parti di funcionarionan publico.

E exstrea di FC Barcelona y su ruman homber a drenta Paraguay dia 4 di maart ultimo pa promociona varios evento.

Sinembargo, tras di un inval di polis den e camber di e hotel di e capital Paraguayo unda cu nan tabata hospeda, nan ahaya cedula y paspoortnan falso na nomber di e exdeportista y su famia.

Dos dia despues autoridadnan a emiti un orden di captura y a decreta detencion preventivo pa ambos.

WASTE HANDLING CLEANING SERVICES

10FT



20FT



30FT



PRIJS DI BAKI:

≡ 150-175-200-250

*PRIJS TA DEPENDE DI KI TIPO DI SUSHI

YAMANOS NA:

560 3500 OF 563 4201



6 habito cu ta yudabo proteha bo cuero contra cancer

Bo ta buscando e manera di proteha bo cuero contra cancer? Por ta bo cuero ta demasiado cla of por ta bo tin famia cu a sufri di e enfermedad aki.

Berdad ta cu e casonan di cancer di cuero a aumenta di manera progresivo y a cumbini tuma medidanan di precaucion.

Den e articulo aki, nos ta comparti 6 habito cu por yudabo pa proteha bo cuero contra cancer. Nos mester tuma conciencia di e problema grave aki di salud y conoce e factornan di riesgo y e medidanan eficas y preventivo.

6 custumber cu por yudabo proteha bo cuero contra cancer

1. Protector solar

Nos mester aplica un protector solar (sunblock) diariamente y adapta na nos tipo di cuero. Na prome luga, e sunblock ta diseña pa proteha e cuero contra e radiacion solar.

Una bes cu nos aplica esaki nos ta creando un barera contra e rayonnan ultravioleta (UV). Pa e motibo aki, den e ultimo decadanan, a promove su uso for di diferente esfera di salud publico.

Sin embargo, e casonan di cancer di cuero den su forma mas grave, nan a sigui aumenta. P'esey ademas di usa e protector solar, nos mester tuma otro medidanan di prevencion.

2. Locion cu antioxidante
Segun un estudio publica pa e Centro Medico di e Universidad di Duke, ta sugeri cu e protectornan solar ta eficas, pero no ideal pa pa e proteccion di cuero.



Nan ta afirma cu esaki ta debi cu no ta usa e modo corecto, ya cu su espectro ta incompleto y cu por presenta toxicidad.

En cambio, nan ta propone como complemento na e protectornan solar, e aplicacion topico di algun antioxidante.

Nan ta sigura cu esakinan ta documenta y ta yudana proteha e cuero contra cancer di manera adicional. Nan ta:

- Vitamina C.
- Vitamina E.
- Selenium.
- Zinc.
- Silimarina.
- Isoflavonas di soja.
- Polifenoles di thee.

3. Controlnan rutinario
E controlnan rutinario ta un medida di prevencion eficas, specialmente si nos ta un grupo special di riesgo.

Ta importante pa nos tene na cuenta si nos mester acudi na controlnan rutinario. Algun grupo di riesgo cu ta rekeri mayor medidanan preventivo y control ta:

- Antecedente di cancer di cuero.
- Antecedentenan

familiar di melanoma.

- Exposicion excesivo na solo.
- Cuero cu fototipo I of II.
- Trastornan genetico cu mayor riesgo di cancer di cuero.
- Humadonan habitual.
- Enfermonan di HIV, HPV y poliomavirus.

4. Tene cuidao cu algun medicamento

Tambe nos mester tene na cuenta un factor mas desconoci. Algun medicamento ta aumenta e fotosensibilidad, na cual por perhudica nos na ora di proteha e cuero contra cancer.

Algun di e medicamentonan ta:

- Tetraciclinas (en especial, doxiciclina).
- Diureticonan tiazidicos.
- Sulfonamida.
- Fluoroquinolona.
- Antiinflamatorio no steroid.
- Retinoide.
- Yerba di San Juan.

Semper nos por consulta cu nos dokter si nos tuma algun di e remedinan aki. Si nos no por modifica e

tratamento, nos mester extrema e precaucionnan ante exposicion solar, dado nos mayor vulnerabilidad.

5. Suplementonan oral efectivo

Ya sea mediante suplemento of mediante alimentacion nos por obtene nutrientenan cu benefician grandi pa nos cuero.

Nos a papia di e antioxidantenan na nivel topico. No obstante, alimentacion semper ta ocupa un luga fundamental den nos salud.

P'esey nos por recurri na suplementonan cu ta yuda nos proteha e cuero contra cancer cu un base cientifico proba.

E suplementonan aki por tuma di forma complementario, pero no mester considera como un medida exclusivo pa proteha nos di e efectonan dañino di solo.

Tin cu forma parti di tur e consehonan aki pa obtene un prevencion eficas. Ademas, nos ta recomenda consulta semper cu dokter prome cu tuma suplemento.

A continuacion nos ta

publica e suplementonan mas eficas. Ademas tambe nos ta cita algun alimento dushi den e nutrientenan aki:

- Vitamina A: Higrá, wortel, spinazie, lacteo, calbas, webo.
- Vitamina C: Acerola, guyaba, citriconan, strawberry, kiwi.
- Vitamina E: Azeta di oleifi, simiya di zonnebloem, almendra, Brazilnuts, apricot seco, spinazie, quinoa, oester.
- Selenium: Brazilnut, tuna, oester, sesame, webo.
- Acidonan graso esencial: pisca blauw, azeta di lino, awacati.
- Resveratrol: Juice di druif of biña, chuculati preto, blueberry.

6. Otro factor

Por ultimo, nos mester destaca cu no solamente e exposicion di solo ta culpabel di e cancer cutaneo. Tambe e tanningbeds y exposicion na agentenan kimico den luganan determina of trabao por presenta un riesgo halto.

Por tanto, nos mester sigui tur e precaucionnan aki. Si nos tin un estilo di bida den aire liber, nos mester usa semper paña adecuado pa proteha nos di cancer di cuero, como tambe bril di solo y nos protector solar. tambe nos mester corda riba e importancia di laga e habitonan toxico manera tabaco y sigui un alimentacion completo y ekilibra.

Sin lubida di e controlnan rutinario semper cu ta necesario.



NO DRENTA DEN PANICO: E guia comprendibel pa compronde kico ta coronavirus Con preocupa nos mester ta?

Mas di 117 mil persona a wordo infecta cu e coronavirus nobo cu a placa for di su origen na China den e ultimo lunanan aki.

Casi 4200 persona ya caba a fayece. Den e proximo dianan Solo di Pueblo lo ta publicando un serie di articulo cu lo por sirbi como guia pa asina compronde y navega e menasa publico global aki.

Esaki ta un epidamia cu ta desaroyando su mes rapidamente y nos lo purba di ponebo mas tanto na altura pa asina bo ta prepara y mas miho informa cu ta posibel.

Con preocupa nos mester ta?

Bo mester ta preocupa y tuma esaki seriamente. Pero bo no mester drenta den panico. Esaki ta e mantra cu expertonan den salud publico a adopta desde cu e epidemia a lanta cabes na januari - y e ta comodo como tambe facil pa cumpli cun'e, pero ta importante cu nos tur por purba.

E coronavirus nobo aki - denomina SARS-CoV-2, ta indudablemente peligroso. E ta causa un enfermedad yama COVID-19, cu por ta mortal particularmente pa personanan mayor y personanan cu afeccionnan di salud subyacente. Si ta bon e tasa di mortalidad entre e personanan infecta no ta cla, incluso algun estimacionnan abao actual ta shete biaha mas halto cu e calculacion di e influencia estacional.

Y SARS-CoV2 ta na Merca y hasta Caribe y ta circulando; solamente nos ta cumisando na determina unda e ta y con leu el a extende.

E problemanan cu e pruebanan federal a restrasa nos capacidad pa detecta infeccionnan den biaheronan.

Y a medida cu nos ta traha pa pone nos al dia, e virus a mantene su mes den movimiento. Awo parce di ta extende den varios comunidad rond mundo.

No ta cla si nos por delanta y con-



tene, hasta si nos por, e lo rekeri hopi recurso y esfuerzo pa haci'e. Bisando esaki, SARS-CoV2 no ta un menasa existencial. Si ta bon e por ta mortal, rond di 80 porciento di e casonan ta leve na modera.

Y e personanan ta recupera den un pa dos siman. Ademas, tin accionnan obvio basa riba e evidencia cu nos por tuma pa protehe nos mes, nos sernan keri y nos comunidannan en general.

Awo no ta e momento di panico, cu solamente lo interpone den e caminda di loke mester haci. Si ta bon e ta completamente comprensibel ta preocupa, bo miho bet pa supera e indemne ta canalisa e energia ansioso aki pa haci loke por pa

evita cu SARS-CoV2 propaga. Y pa haci esey, prome mester e informacion mas completo y precisa riba e situacion cu por. Cu e fin aki, siguiementemente ta nos miho intento pa aborda tur e pregunta

cu por tin riba SARS-CoV2, COVID-19 y e situacion na Merca y den Caribe.

Nos lo cuminsa unda tur cos a cuminsa: e virus riba su mes.

DELIVERY FREE

PEDIDO
TEL: 5684160

TA BENDE'AWA DI COCO FRESCO
ZETA DI COCO - COCADA - LEMON JUICE
TAMARIJN - ORANGE JUICE - SORSACA
ALOE VERA JUICE

TA BENDE NAN 1.5 LITER OF NA 20 ONS DEN BOTTER.

EGIPTO TA REINAUGURA SU PIRAMID MAS ANTIGUO DESPUES DI 14 AÑA DI RESTAURACION

Despues di 14 aña di restauracion, e piramid di Zoser, esun di mas antiguo cu ainda ta para, a wordo reinaugura su portanan diahuebs na turistanan.

"Awe nos ta celebra e finalisacion di e proyecto pa evita e peliger y mantene y restaura e piramid mas prome y antiguo cu ainda ta riba pia na Egipto," e minister di Turismo y Antigüedad di Egipto, Khaled al Anani a bisa, cita pa Reuters.

E mahestuoso construccion aki, patrimonio mundial di UNESCO, ta ubica den e necropolis di Saqqara, west di El Cairo.

Su construccion ta bay be na e epoca di e reinado di farao Zoser (2665-2645 prome cu Cristo).

Diseña pa e prome arkitecto y ingeniero conoci, Imhotep, ta kere cu e piramid di Zoser a sirbi di prototipo pa hopi otro piramid, incluyendo e piramidnan iconico di Ghiza.

Diseñada por el primer arquitecto e ingeniero cono-



cido, Imhotep, se cree que la pirámide de Zoser sirvió de prototipo para muchas otras pirámides, incluidas las icónicas pirámides de Guiza.

E construccion di 60 meter di altura ta traha di piedra y ta consisti di seis

mastaba enorme, poni uno riba otro.

Den e centro di e piramid, na un profundidad di 28 meter, tin e camber funerario di Zoser. E rehabilitacion a cuminsa na 2006, ante e riesgo di un colapso.

No obstante na 2011 e acontecimentonan di e Primavera Arabe a obliga autoridadnan Egipcio pa suspende e trabaonan cu no a reanuda te cu final di 2013.

E restauracion di e piramid di Zoser a inclui e re-

emplaso di e buraco den su murayanan cu blokinan similar na esunnan original.

E camber funerario y e sarcofago di e farao, como tambe e gangnan interno smal di e piramid, tambe a wordo renoba.

MEGHAN MARKLE A HOMENAHEA PRINSES DIANA CU SU BISTI DEN SU ULTIMO APARICION OFICIAL COMO MIEMBRO DI FAMILIA REAL BRITANICO

Den su ultimo aparicion oficial na London prome cu renuncia na nan debernan real, casa di prins Harry, Meghan Markle a luci un trahe berde hopi similiar na uno cu prinses Diana a bisti na 1982, algun medio Britanico a nota.

Dialuna, e dukesa di Sussex a asisti hunto cu su casa y otro miembronan di e familia real Britanico na servicio di e Dia di Commonwealth den Westminster Abbey.

E aparicion di e pareha den e vento aki tabata nan ultimo deber real publico prome cu nan aleha di e monarkia na final di e luna aki.

Markle a opta pa e ocasion cu un bisti esmeralda cu capa di Emilia Wickstead y un sombre di William Chambers.

E trahe tabata tin cierto seme-hansa cu cual Diana a uza den un acontecimento oficial na 1982, tempo cu 22 aña, tabata

na estado di su prome yiu, William.

Den e imagen bieu, por a mira Diana asistiendo Trooping the Colour, den e balcon di e Palacio di Buckingham hunto cu prins Charles, reina Elizabeth y prins Philip, solamente 11 dia prome cu el a duna luz na su yiu homber mayo, dia 21 di juni 1982.

Dentro di algun siman, e nieto di reina Elizabeth II y su casa Mehan Markle lo aparta oficial-



mente di e debernan real.

E pareha a confirma cu nan lo bandona nan responsabilidadnan monarkico dia 31 di maart proximo.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Sopi di Letranan

LA GRAN SOPA DE PASCUA



- | | |
|-------------|---------------|
| -ALEGRIA | -ESPIRITU |
| -ALELUIA | -FUEGO |
| -AMANECER | -JUAN |
| -AMAS | -LENGUAS |
| -AMIGOS | -MAGDALENA |
| -ANUNCIO | -MARIA |
| -ASCENSION | -MUJERES |
| -CAMINO | -PASTOR |
| -CREYENTE | -PAZ |
| -DISCIPULOS | -PEDRO |
| -EMAUS | -PENTECOSTES |
| -ENCUENTRO | -RESURRECCION |

M S K L G N Q S P H G P S C C
 R A Q L E N G U A S W E O A A
 E N C U E N T R O I C A L M Z
 H T N R S O A M A G A I U I B
 N O I C C E R R U S E R P N S
 A B E C A P T O N A O A I O E
 Z S P A A N R S N A E M C A R
 A T C S Y D U E O S U A S M E
 P O T E E U L N P C I J I A J
 B O T P N A L I C R E F D N U
 R T B N D S R E G I U T J E M
 M E Z G E I I E L E O I N C T
 B T A F T I L O G A X J J E U
 E M A U S A V O N B K E V R P
 E T N E Y E R C S O G I M A O

©educarconjesus.blogspot.com.es

CONDORITO

OVEJERO



PRONOSTICO DI TEMPO VALIDO TE DIARANSON 11 DI MAART 2020, 18:00 ORA.

COMPILA:

DIAMARS 10 DI MAART 2020 17:00 (21:00 UTC)

TEMPO:

AWE ANOCHI: LEVEMENTE TE PARCIALMENTE NUBLA I SECO
 DEN MARDUGA I MAYAN: PARCIALMENTE NUBLA CU UN AWACERO BREVE

TEMPERATURA MAXIMO 32 GRADO CELSIUS
 TEMPERATURA MINIMO 27 GRADO CELSIUS

BAHADA DI SOLO : 6:50 PM
 SUBIDA DI SOLO : 6:49 AM.

BIENTO:

FOR DI DIRECCION OOST I MODERA TE BASTA FUERTE:

FORSA 4 TE 5 (20 TE 39 KM/ORA, 11 TE 21 NUDO).
 DEN DIA FUERTE TE POSIBLEMENTE DURO DEN RAFAGA:

FORSA 6 TE 7 (40 TE 61 KM/OR, 22 TE 33 NUDO)

SITUACION GENERAL DI TEMPO PA PROXIMO 24 ORA:

HUMEDAD DEN E PARTINAN MAS ABOU DI ATMOSFERA POR PONE UN AWACERO BREVE DESAROYA DEN ORANAN DI MARDUGA I MAINTA TREMPAN. SOBRA DI DIA WEER LO KEDA GENERALMENTE SECO. STOF FINI DI SAHARA LO BOLBE DRENTA REGION I LO STROBA VISIBILIDAD UN POCO DURANTE PROXIMO DIA OF DOS.

CONDICIONAN MARITIMO/ ESTADO DI LAMA: UN ESTADO DI LAMA MODERA TE LOCALMENTE POCO BRUTO, ESPECIALMENTE NA PARTINAN OOST-TE NOORDWEST. TA WORDU SPERA PA PROXIMO 24 ORA. OLANAN TA FOR DI DIRECCION OOST- NOORDOOST. HALTURA DI OLANAN LO TA DI 5 TE LOCALMENTE 8 PIA NA PARTINAN OOST TE NOORDWEST: LABADERANAN MODERA FOR DI NOORD LO HACI LAMA LOCALMENTE POCO BRUTO NA COSTA.

AVISO/ ALERTA: UN AVISO PA BOTO CHIKITO TA NA VIGOR.

ESPECIALMENTE PA PARTINAN OOST TE NOORDWEST DI COSTA I LAMA HABRI GENERALMENTE.

FENOMENONAN SPECIAL: NINGUN

POTENCIAL DI AWACERO PA PROXIMO 24 ORA: 1 MM OF MENOS;
 LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA:

AIRPORT : MAX 32 / MIN 26 / 0.0 MM
 WESTPUNT: MAX 30 / MIN 27 / 0.0 MM
 STA ROSA: MAX 32 / MIN 27 / 0.0 MM

PRONOSTICO DI TEMPO PA PROXIMO TRES (3) DI-ANAN:
 PARSIALMENTE NUBLA CU UN AWACERO PASAJERO.
 BIENTO LO TA FOR DI DIRECCION OOST: MODERA TE BASTA FUERTE; FUERTE TE POSIBLEMENTE DURO DEN RAFAGA;
 TEMPERATURA (GRADO CELSIUS) MAX / MIN LO TA: 31 / 26

SERVICIO Y COMPRA



Santa Cruz
BARBERSHOP
Mon-Fri: 8AM-9PM • Sun: 9AM-6PM
T1.600-6673 • T2.592-1880

Cilantro's Grill Menu

Breakfast - Lunch - Dinner

CUMINDA CRIYO
Sopi di Dia Special
Pa Pedidos: 594 0635



Maduro Heavy Equipment N.V.

Nos tin servicio di BOBCAT

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diarazon

Rooi Bosal 49

Tel: 5851708/5943207/5931608

POWERLIFTING • BODYBUILDING

WARRIORHOUSE

GYM



Situa na
Santa Cruz 266
Tel: 566-4478

TA FURA

Orange Matrassen Fabriek

30% Y 40 %

di descuento riba cashi paña
y cashi television.

Matras y Box

Busca mainta y haye atardi.

Set di sala, comedor etc.

Tel: 588-7468 / 593-4387

Electricidad

Tambe ta hasi trabow di
metsla, carpinte, coriente,
verf, hasi cura limpi, plummig,
welder y kap mata

yama 560-8568



Abona na **SOLO** Di Pueblo awor!

Yama 585-9500 of

e-mail nos na solodipueblo@gmail.com

Tur marduga nos ta entregue den bo porta di cas!

Noticia cayente, ta aki bo ta haye!

PA TAXATIE DI CAS

Y PROPIEDAD

TUMA CONTACTO CU

CERA ARUBA

TEL: 561 5643

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

NUMBER 3

SOLO Di Pueblo

Lotto Merdia MAART 10	Lotto Anochi MAART 10	DIARIO
CATOCCHI Sorteo # 2853	CATOCCHI	MAART x 1. x 2. x 3. x
9671	4266	
0842	6772	CURACAO
6280	8357	MAART 10 1. 4409 2. 9534 3. 0191
BIG 4 Sorteo # 2853	BIG 4	LOTTO DIA MAART 10 02 06 13 24 25
1163	1452	MEGA MAART 10 04 08 13 20 15
1OFF Sorteo # 909	1OFF	
5538	6475	
ZODIAC Sorteo # 2853	ZODIAC	
8381	9334	
Leo	ARIES	



Parlamentario Jennifer Arends-Reyes E reforma fiscal ta basicamente mas aumento di impuesto pa Aruba

Oranjestad: segun sra Arends-Reyes realidad ta cu Aruba ta 'over-taxing' tur cu ta purba biba dignamente na Aruba cu consecuencia cu Aruba su costo di bida a bira desproporcional na locual cu ta entrada di famianan na Aruba cu tur su consecuencianan, awor e balans ey ken ta responsabel pa mantene? E gran reforma fiscal e resulta di ta un pakete di medida cu ta beneficia gobierno so. Entradanan presupuesta cu mester drenta den e proximo 8 lunanan ta e.o. 15 miyon na permiso pa cultiva cannabis cual ta muestra mas un stunt politico cu francamente no ta muestra realisabel, caminda gobierno practicamente ta bira dealer di 'droga' ilegal of lo mester decriminalis'e pa plantacion pa esnan cu ta dispuesto pa paga sumanan miyonario so, aumento di 6% di bbo na entrada, aumento di hasi negoshi basa riba importacion y foreign exchange, cual 99% di tur nos productonan ta importa sin lubida e e-commerce cu ta algo cu Aruba tawata kier a continua di amplia, awor ta wordo desencurasha fuertemente. E inflacion y costo di bida lo bolbe subi of e negoshantenan lo absorbe un



aumento mas? Hecho ta cu costo di bida lo aumenta y ta parce cu sindicatonan a 'give up' despues cu nan no ta haña oido y no a continua mes mas pa busca derechonan di nan miembronan. E cifranan di problemanan social a aumenta durante e ultimo añanan di gobernacion di Mep-Por-Red y e fondonan no ta yega ni cu 36 miyon pa inverti si e cifranan ta muestra aumento enbes di reduccion. E veld social no por yuda optimal siendo cu famianan ta pasando den temponan dificil. Por tum'e criticanan real aki con cu kier pero tur locual cu AVP a bin ta vocifera y premira di lunanan adelanta ta pasando awor ta e ora pa Parlamento para e desaster entre otro di exihi 35 miyon di ATA sin conta si lo pidi di fondonan di emergencia tambe y riba dje kier cambia ley pa ATA y AHATA nan man ta bon mara y nan a haña como stakeholdernan principal un 'slap in the face' cu nan no tin mucho mas di bisa riba e rumbo di Turismo. E ta un 'fast ball' di e gobierno actual mirando cu AHATA a duna ATA e confiansa pa ta e autoridad encarga cu mercadeo di nos Turismo y awor gobierno ta pone metaforicamente bisa tur dos sinta den un huki pareu, cortando riba mercadeo y aumentando tur costo mey mey di un 'perfect storm' cu efectonan devastador pa nos na Aruba cu ta depende di Turismo sra Arends-Reyes ta termina bisando.



Tipline: 585 9500
e-mial: solodipueblo@gmail.com



4	8		1					
9		6					7	
	2				9		4	5
5					1	9		
		1	5		3	4		
		9	2					1
7	1		4				8	
	3					6		7
					8		2	4

8						9		7
	3	5					2	
9			7				6	
			3	1	6	4		
			5		8			
		8	9	2	4			
	7				9			2
	9					7	1	
6		1						9

4					3	2		7
	1					5	4	
5	7		2	4				
6			7		2	8		
		1				9		
		2	3		6			5
				7	5		9	6
	5	6					2	
8		7	6					4

2	7	5	4					8
		6						
	9				5	2		
	1		8	7		5	6	9
	6						3	
9	5	8		3	6		2	
		9	7				1	
						6		
8					4	9	5	7

2							6	4
6		7		9	3	1		
	5		4	6	7			
		5						3
			7	8	2			
9						4		
			5	3	1		2	
		6	9	7		3		1
8	3							9

					4		1	
2	9		5				8	
		4		3	7	2		
4		3		5			7	
		1	8		2	5		
	7			4		6		9
		6	7	2		3		
	5				8		6	2
	1		3					

DIA 19 DI MAART DIA DI SAN HOSE, GRUPO DI ORACION “HOMBERNAN DI ARUBA UNI DEN CRISTO RESANDO SANTO ROSARIO” LO CUMPLI DOS AÑA

Pa e ocasion aki lo celebra e aniversario cu un procesion den cayanan di Oranjestad riba 19 di maart pa 6'or di atardi saliendo for di parkeerplaats di Universidad di Aruba.

Ta exactamente dos aña pasa cu Señor Betto Josepa a haya un vision den cual Señor ta pidi'e pa e hombernan di Aruba uni den Cristo Hesus resa e Santo Rosario. Tur diasabra un grupo di homber ta reuni den Hofi di Mama Maria na Playa pa resa e Santo Rosario. E aña aki pa celebra e gran acontecimiento aki, un procesion lo ser organisa den cayanan di Oranjestad, na unda lo resa specialmente

pa Señor ilumina científiconan pa haya un cura pa e virus cu tin e economia mundial den su gara. Si esaki sosode den nos pais cu ta biba di turismo, e lo trece consecuencianan fatal pa nos pais.

Ta pesey cu oracion so nos por pidi Señor y Santisima Birgen Mama Maria di Alto Vista pa pone nan man protectora ariba nos pais.

Cu cooperacion di Pastoor Stanislaw di Parokia di Playa encarga cu Pro Catedral e procesion lo ser organisa, na unda tur grupo di oracion di nos pais, famianan, gruponan, scolnan, gruponan uniforma, specialmente politiconan ta ser pidi pa asisti na den

e procesion cu lo termina cu un Santo Sacrificio di Misa na Pro Catedral. No spera invitacion, especialmente nos politiconan, como nos dirigentenan ta boso deber pa tambe resa pa nos pais. E atardi aki Santisimo lo ser saca for di Pro Catedral pa ta den e procesion, hunto cu e imagen di e Birgen peregrino di Mama Maria di Alto Vista. No tin nada mas bunita y emocionante pa Santisimo y nos Patrona stima pasa den e cayanan di nos Capital pa pidi proteccion y alabes bendicion ariba nos dushi pais Aruba.

Medionan di comunicacion ta ser pidi pa duna un cobertura grandi

pa e evento aki. Conhuntamente nos lo haci'e un gran exito. Cooperacion ta ser pidi na un persona o compania cu por yuda cu un ekipo di zonido, cu por ser uza durante e procesion. Por yama Atan Lee na 5628344.

Uni den oracion ta e forsa mas grandi cu por existi pa nos peticion por yega cerca nos Tata Celestial.

Mundo y nos pais mester di oracion den e momentonan dificil cu nos ta pasando aden.

Manera menciona, e procesion lo ta dia 19 di maart pa 6'or di atardi, saliendo for di parkeerplaats di Universidad di Aruba.

Parlamentario Richard Arends

PONENCIA DI CAFT CONFIRMA: PRESUPUESTO 2020 YEN DI MEDIDA

“Fraccion di AVP ta sumamente preocupa pa efecto di e medidanan den presupuesto 2020 pa perspectivanan di crecemento economico,” segun Parlamentario Sr Richard Arends ayera mainta para dilanti di Banco Central vociferando e preocupacion y incertidumbre grandi aki.

Den e periodo 2013 pa 2017, Aruba a conoce un crecemento economico solido danki na un maneho di inversion robusto hiba pa gabinete Mike Eman. “Perspectivanan pa crecemento economico ta wordo frena na e momento aki pa e aumento di impuesto cu nos ta conociendo for di 2018.”

Presupuesto pa aña 2020 ta yega su norma di surplus di +0.5% a base di medida. “Tur expectativa pa un crecemento economico, con conservativo cu esakinan lo por ta, ta bira hopi pero hopi chikito,” Sr. Arends a splica. Un



presupuesto cu un formato diferente, caminda derecho di Parlamento ta wordo mina un biaha mas. “Parlamento lo aproba solamente e gastonan total na nivel di ministerio y ta duna e minister carta blanco pa reparti e fondonan manera cu e ta haña ta bon dentro di su ministerio,” sr Arends a muestra. “E desaroyo aki sigur ta algo sumamente cuestionabel y a trece esakinan

dilanti den e reunionnan preparativo. Sinembargo nos por a constata cu no a duna oido na a preocupacionnan di miembronan di Parlamento.”

“Ta trata aki di un presupuesto incompleto, como cu gran parti di e entradanan presupuesto no tin base legal ainda, mirando cu e leynan cu ta formalisa e reforma fiscal no a yega Parlamento ai-

nda.” No obstante esaki Parlamento a haña solamente un siman di tempo pa hasi pregunta por escrito mientras cu e presupuesto ta 6 luna laat.

Gobierno a anuncia cu e presupuesto aki ta den liña cu palabracianan cu CAFT y pa kita cualkier intervencion for di Consejo di Minister di Reino. “Esaki ta un punto di salida completamente robes caminda cu ta aumenta impuesto

riba lomba di ciudadano, comercio y nos unico pilar economico pa asina cumpli cu palabracianan cu Gobierno riba su mes. Manera cu CAFT a indica caba den su prome reaccion: gobierno ta yega e normanan stipula, unicamente door di e medidanan nobo cu lo wordo implementa y mostrando tambe cu no tin un reduccion genuino di gastonan,” segun declaracion di Parlamentario Richard Arends.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

BOLO "LAMCHI DI PASCO" PA PASCO DI RESURECCION NA PAROKIA SANTA ANNA, NOORD



Diadomingo 12 di April 2020 Iglesia Catolico Universal ta celebra e fiesta di Resurreccion di HesuCristo, e Lamchi di Pasco, despues di a refleha durante 40 dia riba Su sufrimento y Su morto.

Den Huan 1:29 nos por lesa: "Ata e Lamchi di Dios, cu ta kita pica di mundo" y den Revelacion 17:14 tin skirbi: "Nan lo bringa contra e Lamchi, ma e Lamchi, hunto cu su siguidonan fiel cu Dios a scoge y yama, lo derota nan, pasobra e Lamchi ta e Señor di mas halto y e Rey riba tur rey."

Parokia Santa Anna ta ofrece e oportunidad pa celebra e fiesta di Resurreccion di HesuCristo cu un bolo Lamchi di Pasco bendiciona. Un bolo cu por comparti den famia, cu amigonan of cu coleganan.



For di dialuna 9 di Maart por cumpra un tikete pa e suma di 10 florin durante oranan di oficina mainta di 9or pa 10or y atardi di 5or pa 6or na Pastorie Santa Anna.

Diasabra 11 di April pa 9or di mainta lo bendiciona e bolonan Lamchi di Pasco den Centro Apostolico Santa Anna y por buska e bolonan despues di bendicion.

!!ULTIMO TRAINING!! NATIONALE TOETS 2020 TRAINING: "REKENEN"

(pa: alumnonan 6de klas school basico)

Dianan:februari 28,29;maart 6,7,13,14

Ora:3:00-6:00pm (diabierna)

Ora:1:00-4:00 pm (diasabra)

Lugar: Club Don Bosco (Noord)

Docente : drs. Rudolf R. Kelly

Info: 594-9771/562-2119/585-9774.

Email: rr_kelly@yahoo.com

Dienstregeling artsen IMSAN

MAART 2020

Dr. Boderie, E
Dr. de Cuba, M
Dr. Every, B
Dr. Giel, D
Dr. Linden v/d, J

Dr. Ramautar, K
Dr. Veringa, E
Dr. Vis, S
Dr. Wever, M
Dr. Winterdal, N

MA 02 WEVER
DI 03 WINTERDAL
WO 04 BODERIE
DO 05 DE CUBA
VR 06 LINDEN V/D

MA 23 RAMAUTAR
DI 24 VERINGA
WO 25 VIS
DO 26 WEVER
VR 27 WINTERDAL

MA 09 RAMAUTAR
DI 10 VERINGA
WO 11 VIS
DO 12 WEVER
VR 13 WINTERDAL

MA 30 BODERIE
DI 31 DE CUBA

MA 16 BODERIE
DI 17 DE CUBA
WO 18 VIS (HIMNO Y BANDERA)
DO 19 GIEL
VR 20 LINDEN V/D

WEEKENDDIENST

07 - 08 MAART * LINDEN V/D
14 - 15 MAART * RAMAUTAR
21 - 22 MAART * VERINGA
28 - 29 MAART * VIS

PUEBLO A HAÑA SU PEN BEK


Pa kualkier informacion
solodipueblo@gmail.com
of
☎ 585-9500



CLASIFICADO

e-mial: solodipueblo@gmail.com

Tipline: 585 9500



Fundacion
Dominicana Arubense
Juan Pablo Duarte



STG Fundacion Dominicana Arubense Juan Pablo Duarte



Santo Guerrero Ramirez

Ta gradici comunidad Dominicana y otro nacionalidadnan cu a copera. Tambe ta gradici grupo di Dominicanonan Uni na Aruba. Alavez ta invita pa nochi di condolencia na Royal Funeral Home, diaranson 11 di maart di 7'or pa 9'or di anochi.

E restonan mortal lo wordo transporta pa Republica Dominicana.

ORACION DI DIA

Rumannan bon dia cu Dios drama Su bendicion na abundancia riba boso

"P'esey obedece y sigui tur cos cu nan bisa, ma no haci manera nan ta haci si!" Pasobra nan mes no ta haci loke nan ta bisa. Mat. 23,3

E hipocresia cu e Salmo ya a anuncia- resa na Dios pero no cumpli cu su enseñansanan den bida-E ta desenmascara esaki cu mayor forza ainda den e Evangelio. Un biaha mas Hesus ta enfoca riba e fariseonan cu no ta cumpli pero nan ta exigente cu otro nan pero no pa cu nan mes. Hesus ta acusa nan di ta intransigente, vanidoso, di ta contento cu cosnan externo, pa ser admira, pero nan no tin coherencia interior. E yamada cu nos ta scucha e aña aki ta: stop di haci malo, siña con pa haci bon, busca e husticia...Cu hopi confiansa den e Dios cu sa y cu kier perdona. Pero dispuesto pa tuma decision, pa hasi opcionnan concreto riba e caminda cuaresmal aki. Nos lo no ta mes vicioso manera esnan di Sodoma y Gomorra. Pero si nos ta debil, floho, y sigur cu nos por acoge den nos cu mayor coherencia e bida nobo di Pasco. Si algun actitud deficiente di nos bida ser cambia, e ora ey si nos ta preparando pa Pasco:"Esun cu sigui e bon caminda lo Mi lag'e mira e salvacion di Dios".

Oracion: Señor Abo cu a invita pa nos ta igual cu rumannan bao di nos, concede nos e gracia di biba den coherencia cu loke nos ta kere. Amen.

Inauguracion di e plakkaat di 'Plaza Inmaculada Curason di Maria'

Diabierna 13 di maart 2020 dilanti di e Monumento di Inmaculada Curason di Maria na misa di Santa Cruz

Pa 5.30 pm ta cuminsa cu ceremonia di bendicionamento di e plakkaat riba e plenchi y alaves parkeerplaats. E plakkaat ta marca e lugar, asina e pueblo por haci destincion cu ta un lugar di debocion. Tur 13 di luna debotonan y fielnan ta bin hunto pa resa e Santo Rosario na honor di Virgen Maria. Ta resa y canta y oracionnan especialmente pa nos planeta cu ta asina bon crea pa humanidad por sinti nan mes felis pa biba riba e planeta regala. Ta invita tur cu a Consagra cu e Scapulario y medaya pa bin resa hunto pa duna homenahe na nos Mama Celestial. Nos tin grupo di Savaneta, Playa, Noord, Santa Cruz y diasabra ultimo tabata Paradera. Ban muestra Mama Maria cu nos tur ta di bon curason y nos ta dispuesto pa sigi su yamada. Resa cu debocion, Resa diabierna Misterio Doloroso. 6 or ta resa Angel



di Señor. Bo por trese stul of un kruk, trese bo buki di oracion. Nos Mama Celestial ta roga nos cu ta resa pa sigi resa, E ta pidi na Medjegorgie cada bes di nobo, resa, resa pa esnan den purgatorio, esnan cu a bira lomba y coy camindanan cu no ta di Dios. Pa muribundonan cu ta nan so y bandona. Hasi sacrificio, yuna y abstinencia den e tempo di cuaresma.



PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Parlamentario Richard Arends

GOBIERNO TA GASTA 80 MIYON MAS NA 2020 COMPARA CU 2017



Durante conferencia di prensa di partido AVP, Parlamentario Richard Arends a reacciona en breve riba Presupuesto 2020 cu ta den man di Parlamento. "E presu-

puesto aki ta confirma cu gastonan di gobierno a aumenta cu casi 30 miyon di florin y – contrario na loke Gobierno a anuncia – un reduccion di 11 miyon di florin na pagonan

di interes, mientras cu ta conta cu casi 90 miyon di florin adicional na entrada compara cu 2019," Sr. Arends a mostra.

"Si compara e cifranan cu e ultimo presupuesto di Gabinete Mike Eman II na 2017, por a tuma nota di un aumento di 82 miyon di gasto di cual 40 miyon ta solamente pa operacion di gobierno y gastonan di personal y un aumento di 210 miyon florin na entrada danki na e medidanan cu a ser implementa. E presupuesto pa e aña aki tin un suma di 55 miyon na entradanan incidental for di empresanan estatal, concesionan pa plantacion di cannabis y fondonan pa

mercadeo di nos turismo sin duna splicashon con lo cubri esakinan e añanan siguiente."

"Ainda tin 150 miyon florin na entrada cu mester wordo dicidi ainda riba dje y Parlamento no a haya nada ainda encunto e reforma fiscal. Nos por conclui cu Gobierno lo introduci un BBO di 6% na frontera cu mester bay genera un suma di 36 miyon florin, un aumento di deviezenprovisie di 1.3% pa 1.9% cual lo mester genera 23 miyon di florin. Ambos medida lo causa un perdida di poder di compra pa ciudadanonan y aumenta e gasto di hasi negoshi pa nos empresanan."

"Ademas di lo ranca 35 miyon di florin for di fondonan di promocion y mercado mancha pa ATA, lo aumenta e toeristenhoffing sperando cu esaki lo genera rond di 15 miyon di florin. Gobierno ta opta pa risga nos posicion competitivo sin sa con e epidemia di coronavirus lo afecta nos turismo y consecuentemente nos economia. Manera CAFT a indica den nan conseho inicial, Gobierno ta opta pa sigui ranca placa di pueblo, comercio y awor tambe for di e sector turistico sin una reduccion genuino di su gastonan," Parlamentario Richard Arends a declara.

"VUELONAN FANTASMA:"

Aerolineanan ta gasta combustibel den vuelonan bashi door di coronavirus y un norma Europeo rigido

E expansion di coronavirus door di mundo a afecta varios sector di e economia, den aviacion a produci un bahada den e cantidad di pasahero; sin embargo, varios aerolinea Europeo mester a realisa vuelonan casi bashi pa por sigui operando den varios aeropuerto.

E practica aki a causa criticanan di parti di gruponan ambientalista, CNBC a informa. Conforme na e asina yama norma "uz'e of perd'e" di Union Europeo, e aerolineanan mester a realisa no menos di 80% di e vuelonan den nan "slots" - espacionan temporal pa lanta vuelo y aterisahe den aeroportonan - pa warda e presencia den e principal aeroportonan pa e siguiente temporada.

"E demanda di vuelonan comercial a cay drasticamente debi na covid-19 y na ocasionnan nos mester a manda avionnan casi bashi pa no perde nos "slotsnan" precia," Shai Weiss, director ehecutivo di Virgin Atlantic, a bisa na



e medio.

E ehecutivo a recorda cu tras di e atakenan di 11-S y e brote di SARS, e reglanan aki a relaha rapidamente, mientras cu 'awendia, ora cu e impacto den e demanda

ta mayor, solamente tin alivio di corto plazo pa e slotsnan uza den vuelonan pa China y Hong Kong." Dialuna e secretario di Estado di Transporte Britanico, Grant Shapps a manda un carta na e

Comision Europeo yamando pa suspende temporalmente e norma aki pa poe fi na e asina yama "vuelonan fantasma", tanto pa rasonan "ambiental como financiero."